

臨晉縣志

續下

7 3150/7616.83

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JUN 29 1936

6

志
家
志
下

JUN 29 1938
AT HARVARD UNIVERSITY
HARVARD-YENCHING INSTITUTE
HARVARD-YENCHING LIBRARY OF

列女

貞婦暢氏監生姚應麟妻年十六歸應麟生一子殤越五

年而應麟亡應麟弟會麟亦歿其妻郭氏先後同寡形

相依影相弔也姑痛子失明氏殷勤事奉每飯必請所

欲妯娌自主中饋不假僕媪手更番侍側雖命之退不

肯退苛癢抑搔姑亦忘其爲無目人矣椎髻縞衣不出

閨門共守節歷六十年而卒里人謂之一門雙節咸豐

初俱旌表

貞婦王氏農民楊大燾妻也幼嫻閨訓年及笄歸大燾不

哈佛大學哈佛燕京
圖書館珍藏

數年大瘴邁疾而亡婦年二十四歲號天慟哭決意殉
之一夕潛投於井翌午始救出井水深七八尺而婦竟
無恙時遺腹子已數月矣人詢以投井之故哭而不答
其姑勸之曰汝保所生非男耶不爲汝夫延祀計乎婦
爽然若失飲泣含悲不復存短見之想未幾果生男撫
育成立婦年八十二而卒咸豐二年旌表

列婦楊氏王學禮妻家貧姑老無子年二十二歲而寡父
母憐其年少欲令再醮婦曰姑老矣無人侍養歿後再
嫁未遲爲鍼黹爲紡織度用皆從十指出朝夕奉姑無

少懈如是者十載姑歿父母執前言促醮愈甚婦泣然
曰父母之逼我嫁憐我貧愛我也姑已歿大事畢矣何
復留此子然一軀遺父母累遂投繯而死聞者哀之學
使孫表其門曰取義成仁巾幗丈夫

齊友德妻姚氏性貞烈年二十二夫亡女僅兩歲子在襁
褓氏矢志守節十餘年無慚德光緒丁丑歲大禮里中
婦女互相援引勃谿索食氏閉戶忍饑日餓死事小廉
恥事大寡廉鮮恥所弗爲也嗣後產盡糧絕計無所出
乃理妝易服携子女出人疑其省親行至井上子母三

人俱溺死屍出服妝尙整顏面如生

張留村人

薛治平妻武氏初適薛翁姑俱逝勤儉持家夫出外貿易

歿於豫省氏慟哭含忍俟夫柩旋里乃自縊焉鄉人至

今傳爲美談云

卓里鎮

烈婦姓張名心曼張吳村張希鎔女也夫張興兒幼少婦
五歲婦卒年十八姿性穠粹身體綽約里人富豪張某
與婦翁日相往來婦翁利某之財欲令婦誘某婦不肯
翁命婦姑勸之曰第爲此何憂不富貴婦正色曰富貴
在天禽獸之行吾不爲也姑再四勸之婦厲聲曰此身

可殺此命斷不能從姑白諸翁翁怒褫其衣捆縛屋柱
以鐵鉗鉗其肉婦終不屈又以鐵條刺入下身血流如
注婦聲色愈厲卒至於死聞者莫不流涕嗟乎刀鋸鼎
鑊九死不回士大夫尙難其人豈易見之中閭中哉而
烈婦竟卓卓如是蓋其一腔正氣直與天游不自知其
苦也洵足以光女史而輝彤管彼世之隱忍偷生喪名
壞節者聞烈婦之風亦可以少媿矣輿論如此不忍湮
沒故書之

張家營

已旌節婦

靳振源妻江氏 年二十三歲夫故守節三十一年

胡聖温妻郭氏 年十六歲夫故守節六十三年

張成麟妻宋氏 年二十三歲夫故守節五十五年

王天成妻胡氏 年二十六歲夫故守節四十八年

吳德元妻樊氏 年二十一歲夫故守節三十四年

侯鳳鳴妻張氏 年十九歲夫故守節五十五年

李承霞妻何氏 年二十七歲夫故守節四十八年

郭家珍妻陳氏 年二十三歲夫故守節四十六年

王琢妻孫氏

年二十七歲夫故守節五十二年

張立登妻王氏

年二十五歲夫故守節四十一年

衛子蘭妻楊氏

年二十二歲夫故守節四十一年

王繼魁妻汪氏

年十九歲夫故守節四十年

毛永和妻姬氏

年二十四歲夫故守節三十八年

杜繼甫妻楊氏

年二十五歲夫故守節三十七年

胡若金妻常氏

年二十一歲夫故守節三十七年

江現璽妻劉氏

年二十二歲夫故守節三十一年

陳三重妻衛氏

年三十歲夫故守節三十四年

監生薛克己妻趙氏

年二十歲夫故守節三十二年

王如璠妻樊氏

年二十一歲夫故守節三十二年

薛志恕妻陳氏

年二十五歲夫故守節三十年

朱祥長妻孫氏

年二十八歲夫故守節五十九年

張茂盛妻文氏

年二十一歲夫故守節五十五年

楊大燾妻王氏

年二十七歲夫故守節五十五年

毛永明妻張氏

年二十九歲夫故守節五十年

謝喬剛妻陳氏

年二十五歲夫故守節四十六年

許成妻劉氏

年二十三歲夫故守節四十五年

李永康妻衛氏 年三十夫故守節四十五年

薛培章妻費氏 年十九夫故守節四十年

許貴圖妻王氏 年二十九夫故守節四十年

朱儀茂妻王氏 年三十二夫故守節三十九年

鍾麟道妻馮氏 年二十八夫故守節三十九年

謝章鏐妻樊氏 年二十二夫故守節三十五年

張宏務妻賈氏 年二十八夫故守節三十二年

王炳妻孫氏 年二十一夫故守節三十一年

段豐周妻焦氏 年二十八夫故守節三十年

張桂萼妻蕭氏 年二十八夫故守節二十九年

馬聰妻鄧氏 年二十六夫故守節二十四年

趙貞元妻王氏 年二十八夫故守節二十年

庠生王汝楫妻陳氏 年二十四夫故守節十八年

王執元妻荆氏 年二十五夫故守節五十年

吳思衍妻文氏 年二十五夫故守節五十五年

張貞智妻柳氏 年二十四夫故守節五十二年

傅昌巖妻王氏 年二十二夫故守節五十二年

薛福銀妻樊氏 年二十七夫故守節五十年

宋廉修妻楊氏 年二十七夫故守節五十年

荆成棟妻王氏 年二十五夫故守節五十年

王利升妻姚氏 年十九夫故守節五十年

張大車妻劉氏 年二十七夫故守節四十年

薛福鈇妻侯氏 年二十六夫故守節四十七年

生員王象璧妻郭氏 年二十八夫故守節四十五年

許晉型妻呂氏 年二十二夫故守節四十五年

姚澤遠妻郭氏 年二十夫故守節四十五年

吳思行妻祿氏 年二十三夫故守節四十一年

張廷揚妻吳氏 年二十七夫故守節四十三年

許振宇妻李氏 年二十三夫故守節四十二年

王 鵬妻衛氏 年二十九夫故守節四十一年

王子魁妻李氏 年二十八夫故守節四十一年

孫載唐妻王氏 年二十四夫故守節三十七年

張維書妻樊氏 年二十七夫故守節三十五年

生員張玉連妻范氏 年二十四夫故守節五十四年

杜恒太妻王氏 年二十二夫故守節四十九年

郭玉書妻張氏 年二十九夫故守節四十八年

李鳴雁妻江氏 年二十七夫故守節四十八年

生員王珍妻張氏 年二十七夫故守節四十六年

張錫還妻王氏 年二十二夫故守節四十六年

李應祥妻崔氏 年十八夫故守節四十六年

許廷貴妻衛氏 年二十七夫亡守節二十七年

薛萬順妻陳氏 年十八夫亡守節四十四年

楊陸藝妻呂氏 年二十四夫亡守節四十三年

王文成妻范氏 年三十二夫亡守節四十三年

高登賢妻王氏 年二十八夫亡守節四十一年

荆澤棟妻謝氏 年二十五夫亡守節四十二年

薛玉貴妻孫氏 年二十三夫亡守節四十年

李鳴鶯妻王氏 年十九夫亡守節四十年

荆學文妻王氏 年二十夫亡守節三十六年

生員荆炳妻王氏 年十九夫亡守節二十二年

李維堂妻李氏 年二十七夫亡守節二十年

樊清家妻吳氏 年三十夫亡守節五十三年

薛守爲妻荆氏 年二十二夫亡守節六十三年

楊槐盛妻洋氏 年三十夫亡守節四十年

翟昇妻胡氏 年二十七夫亡守節三十五年

李維鏞妻郭氏 年三十二夫亡守節五十三年

趙志賢妻暢氏 年三十夫亡守節三十七年

賈繼忠妻趙氏 年三十夫亡守節三十八年

張德眷妻陳氏 年十九夫亡守節六十六年

李善諒妻朱氏 年十七夫亡守節三十二年

朱郁錦妻湯氏 年二十五夫亡守節三十六年

崔大江妻屈氏 年二十九夫亡守節三十一年

田金印妻楊氏 年二十五夫亡守節五十五年

田大禮妻吳氏 年二十三夫亡守節三十五年

郭麟祥妻張氏 年二十五夫亡守節五十四年

屈成學妻王氏 年十八夫亡守節五十四年

呂積峻妻胡氏 年二十四夫亡守節五十一年

薛建邦妻衛氏 年二十四夫亡守節四十八年

謝三鳳妻李氏 年三十二夫亡守節四十八年

王時澤妻蔡氏 年二十五夫亡守節四十八年

許晉桓妻孟氏 年十八夫亡守節四十七年

王克敬妻許氏 年二十八夫亡守節四十六年

薛廷貴妻荆氏 年二十二夫亡守節四十五年

文清浹妻王氏 年二十四夫亡守節四十三年

王思清妻張氏 年二十七夫亡守節四十一年

衛希孟妻馬氏 年十九夫亡守節四十一年

鍾維俗妻李氏 年二十夫亡守節四十一年

王輔本妻荆氏 年三十夫亡守節四十年

衛康裔妻王氏 年二十八夫亡守節四十年

謝同仁妻傅氏 年三十夫亡守節三十八年

李德盛妻荆氏 年二十八夫亡守節三十八年

李永盛妻季氏 年二十五夫亡守節三十八年

生員樊其讓妻潘氏 年二十二夫亡守節三十七年

張子直妻陳氏 年二十五夫亡守節三十六年

王秉離妻薛氏 年二十三夫亡守節六十二年

王如九妻汪氏 年二十四夫亡守節五十七年

吉慶璽妻薛氏 年十八夫亡守節五十二年

樊錫麟妻王氏 年二十八夫亡守節五十二年

李振維妻姚氏 年二十一夫亡守節五十年

賈玉珠妻胡氏 年二十四夫亡守節四十八年

賈可樽妻樊氏 年二十四夫亡守節四十八年

趙林檀妻陳氏 年二十七夫亡守節四十二年

陳嘉謨妻王氏 年二十一夫亡守節三十九年

李生祥妻衛氏 年二十九夫亡守節三十九年

閻長有妻樊氏 年二十四夫亡守節三十四年

樊元崇妻王氏 年二十八夫亡守節三十七年

王承宗妻衛氏 年二十七夫亡守節三十六年

王佩璣妻楊氏 年二十二夫亡守節三十六年

王德璉妻張氏 年二十五夫亡守節三十六年

王太質妻邵氏 年二十八夫亡守節三十三年

胡若桂妻王氏 年二十九夫亡守節三十三年

王原泗妻楊氏 年二十八夫亡守節三十三年

梁浦妻王氏 年十九夫亡守節六十四年

李維圮妻呂氏 年二十五夫亡守節五十三年

朱泮妻陳氏 年十八夫亡守節五十二年

郭邦貴妻衛氏 年二十五夫亡守節五十一年

宋起鴻妻胡氏 年二十六夫亡守節四十九年

王明順妻賈氏 年二十六夫亡守節四十九年

陳建康妻樊氏 年二十二夫亡守節四十一年

周盛樸妻許氏 年二十四夫亡守節四十年

劉繼良妻常氏 年二十四夫亡守節三十九年

王文海妻荆氏 年二十夫亡守節三十八年

楊定乾妻郭氏 年二十四夫亡守節三十六年

王萬昌妻高氏 年二十五夫亡守節三十三年

謝丕謨妻景氏 年二十四夫亡守節六十三年

賀玉棟妻王氏 年二十九夫亡守節五十一年

姚會麟妻郭氏 年二十一夫亡守節五十年

姚楨麟妻陳氏 年二十五夫亡守節四十九年

黃地銀妻吳氏 年二十八夫亡守節四十七年

樊維月妻劉氏 年二十四夫亡守節四十五年

王起宗妻劉氏 年二十七夫亡守節四十四年

姚應麟妻暢氏 年二十一夫亡守節四十年

王皇康妻汪氏 年二十二夫亡守節三十九年

吳珠元妻宋氏 年二十四夫亡守節三十七年

張鳴鶴妻趙氏 年二十夫亡守節三十七年

李生蘭妻張氏 年二十八夫亡守節三十年

薛廷彥妻張氏 年二十三夫亡守節四十年

王執義妻姚氏 年二十五夫亡守節五十二年

閻士妥妻劉氏 年二十七夫亡守節五十年

謝和風妻胡氏 年二十七夫亡守節四十六年

胡文彥妻郭氏 年二十四夫亡守節四十七年

王執壘妻楊氏 年二十六夫亡守節三十五年

王澤竣妻張氏 年二十五夫亡守節四十六年

張元輅妻王氏 年三十四夫亡守節三十六年

尚帝簡妻王氏 年三十三夫亡守節五十年

荆嘉臨妻孫氏 年三十三夫亡守節四十二年

庠生程俊傑妻王氏 年三十七夫亡守節二十三年

以上一百六十二名俱乾隆時人

薛步明妻胡氏 年二十二夫亡守節三十五年

衛繼康妻張氏 年二十夫亡守節三十二年

謝陞朝妻洪氏 年二十三夫亡守節二十五年

王錫玳妻胡氏 年二十六夫亡守節三十一年

薛萬官妻張氏 年二十二夫亡守節三十一年

張可梁妻李氏 年二十二夫亡守節二十九年

江澤遠妻王氏 年二十七夫亡守節二十八年

荆桂森妻邵氏 年二十夫亡守節三十二年

薛炳南妻廉氏 年二十二夫亡守節二十九年

薛鳳鸞妻賈氏 年二十七夫亡守節二十七年

王迎喜妻李氏 年十九夫亡守節三十九年

宋金鶚妻喬氏 年二十二夫亡守節四十四年

張國佐妻武氏 年二十夫亡守節三十一年

樊起鵬妻曹氏 年二十三夫亡守節四十二年

李修麟妻薛氏 年三十夫亡守節三十一年

李毓咸妻丁氏 年二十四夫亡現年五十歲

薛鳳淮妻楊氏 年三十夫亡守節二十年

尚作棟妻田氏 年二十三夫亡守節三十六年

監生陳王法妻張氏 年二十八夫亡守節三十二年

衛邦華妻王氏 年二十八夫亡守節二十五年

楊更新妻閻氏 年二十九夫亡守節三十八年

劉好義妻王氏 年二十一夫亡守節二十八年

荆映汰妻楊氏 年二十四夫亡守節二十二年

王仁儒妻汪氏 年二十夫亡守節三十五年

吉常臻妻李氏 年十七夫亡守節一十八年

王皇珠妻衛氏 年二十五夫亡守節二十四年

王美順妻荆氏 年二十七夫亡守節三十七年

謝成安妻荆氏 年二十八夫亡守節四十一年

增生謝詩燦繼妻荔氏 年三十夫亡守節二十三年

趙士綬妻李氏 年十九夫亡守節三十年

謝希玳妻賈氏 年二十四夫亡守節三十三年

李正端妻張氏 年二十二夫亡守節三十三年

孫官廉妻荆氏 年二十四夫亡守節二十三年

趙道廣妻郭氏 年十七夫亡守節四十年

籍大德妻王氏 年二十三夫亡守節三十五年

籍發德妻姚氏 年二十四夫亡守節三十二年

郭景菁妻王氏 年二十夫亡守節三十三年

郭景魁妻楊氏 年二十四夫亡守節三十一年

黃重環妻武氏 年二十二夫亡守節三十一年

毋特安妻計氏 年二十五夫亡守節三十年

張中節妻樊氏 年二十五夫亡守節三十八年

荆昌源妻辛氏 年三十夫亡守節三十一年

樊兩伴妻張氏 年二十一夫亡守節四十九年

王經綸妻張氏 年二十夫亡守節四十四年

監生王濟彥妻張氏 年二十九夫亡守節二十六年

李恒茂妻毛氏 年二十八夫亡守節三十二年

李瑣儉妻王氏 年二十八夫亡守節三十年

趙恒新妻衛氏 年十八夫亡守節三十二年

監生沈習盈妻衛氏 年二十九夫亡守節三十年

生員暢遇魁妻黃氏 年二十八夫亡守節三十二年

賈肇周妻楊氏 年十九夫亡現年五十三歲

張福榮妻賈氏 年二十夫亡守節二十九年

溫清燾妻王氏 年二十九夫亡守節三十一年

孫義邦妻曹氏 年二十七夫亡守節二十四年

劉中吉妻常氏 年二十夫亡守節四十一年

李燻妻王氏 年二十八夫亡守節三十年

生員王洪濟妻樊氏 年二十六夫亡守節二十七年

趙生華妻王氏 年三十三夫亡守節三十五年

廩生張丕光妻陳氏 年二十三夫亡守節三十二年

許生蘭妻郭氏 年二十七夫亡守節三十一年

郝同貞妻王氏

年二十四夫亡守節二十一年

陳述虞妻王氏

年三十二夫亡守節二十四年

胡養祺妻文氏

年三十六夫亡守節二十八年

李振澤妻王氏

年三十三夫亡守節二十二年

從九荆蕙道妻朱氏

年二十五夫亡守節二十一年

生員王士彥妻姚氏

年三十一夫亡守節二十四年

趙仁裕妻荆氏

年三十六夫亡守節二十二年

王國瑞妻汪氏

年三十七夫亡守節十五年

以上六十八名俱嘉慶時人

李選人妻樊氏

年二十六夫亡守節十八年

賀文煌妻李氏

年十七夫亡守節十五年

生員樊潤之妻王氏

年二十一夫亡守節三十一年

李鎖猷妻王氏

年十八夫亡守節二十八年

姚謙銘妻李氏

年二十一夫亡守節二十四年

李秉炤妻趙氏

年十九夫亡守節三十二年

呂世恒妻胡氏

年二十九夫亡守節四十五年

以上七名俱道光時人

侯志雲妻荆氏

年二十八夫亡守節四十三年

齊國正妻安氏 年二十七夫亡守節四十八年

荆天佑妻崔氏 年二十六夫亡守節四十年

王公企妻郁氏 年二十九夫亡守節四十四年

董寶臣妻衛氏 年二十三夫亡守節四十年

荆宏中妻郝氏 年二十七夫亡守節五十一年

暢聯桂妻王氏 年十八夫亡守節三十八年

荆道平妻衛氏 年二十三夫亡守節四十年

暢建基妻薛氏 年二十七夫亡守節五十五年

雷萬寬妻暢氏 年二十四夫亡守節四十九年

陳輝文妻王氏 年二十九夫亡守節四十二年

王學義妻胡氏 年二十九夫亡守節三十七年

韓懷堯妻陳氏 年二十九夫亡守節三十四年

姚興盛妻王氏 年二十八夫亡守節三十二年

以上十七名光緒元年八月詳請旌表

胡氏 賈玉珠妻年及笄歸賈未周三期夫亡氏矢志靡他伯子肇權為嗣撫養若已出姪媳樊氏肇興之妻笄

年歸輿數歲夫亡樊氏慕胡姑之節甘心自守與胡無異人稱一門雙節焉胡年八十而卒樊現年六十

歲寺前村人

趙氏 衛碧惠妻年十七于歸碧惠有咯血症草成吉禮旬餘而卒氏誓志自守日侍姑左右夜同寢卧終年不

踰閭姑歿氏哀痛欲絕以猶子為嗣年七十而卒胡家營人

李氏

賀文煜妻年十九歲夫亡遺腹生男氏堅貞自守撫育遺孤舅姑憐其少寡每優待之氏奉養慇懃過於妯娌輿論賢之共舉節孝年五十三而卒五姓村人

王氏

吳志仁母年二十一歲夫亡守節堅苦垂數十年光緒元年旌表年六十而卒周吳人

姚氏

樊鏐妻年二十二歲夫亡子女俱無伯兄一子氏撫而教之不幸早逝又撫孫析直至於成立或欲陷害氏矢志堅貞不移所守年六十一而卒

衛氏

李樹泮妻年二十一歲夫亡姑老子幼氏生事歿葬一盡禮教子有義方有過即面責之七十餘歲精力康強績紡弗綴年七十三而卒鹿皮窰人

郭氏

荆天錫妻年二十夫亡家貧織紡養姑能得歡心姑歿殯葬盡禮終三年喪而亦卒卒年七十歲水頭人

王氏

楊程雲妻年二十九夫亡子二歲晝耕夜績奉養衰姑子稍長延師課讀不少寬貸得孫生蓮孝敬咸以為節婦之報云卒年七十五歲水頭村人

王氏

監生張廷烈妻年二十一歲夫亡氏誓死靡他子女俱無撫姪中泚為嗣愛愈已出事舅姑甚孝族人屢以終矢栢舟卒年六十二歲城西村人

李氏

張德憲妻年二十四歲夫亡二子幼家貧無資氏勤績紡易粟養翁姑撫孤子苦節自守始終如一卒年七十一歲城西村人

張氏

費存成妻年二十二歲夫亡家貧子幼撫至成室又亡遺孫弱穉時值大稔氏恐糊口維艱斃孫絕祀夜即自縊卒年六十九歲西將軍屯人

曹氏

張在金妻年二十六歲夫亡有遺腹生男家貧不給朝夕紡績守節育子成立卒年七十八歲東將軍屯

趙氏

陳王什妾年十九歲夫亡無子嫡命他適氏泣曰夫死將焉適誓無二志撫姪孫相仁為嗣愛如已出教之成立卒年六十

樊氏

王學海妻年二十八歲夫亡家貧藉績紡以供饗殮事姑撫子自食藜藿辛苦備嘗教子成人年八十二而卒北井村人

朱氏

李善量妻年十六于歸未兩月夫亡翁姑憂之氏默謂姑日有遺腹可望後果生男事翁姑益加孝敬撫孤成立年六十六而卒鹿皮窰人

王氏

李樹鳳妻年二十六歲夫亡無子敬事翁姑兼養小叔叔得子覓乳母撫養稍長延師課讀姪弱冠即入邑庠年七十六而卒鹿皮窰人

趙氏

朱本律妻年二十八歲子幼夫病革詢氏意氏誓死撫孤更無二志夫亡後教誨成立毫無倦意年七十

一而卒東閣頭村人

張氏

朱得恩妻年二十二歲夫亡女在襁褓氏願堅守無他日事紡績撫姪孫為嗣茹苦終身年七十而卒東閣頭村人

張氏

朱丙炎妻年二十歲夫亡無子或勸之嫁氏拒絕之舅姑益加敬重氏孝養備至晝夜織紡寒暑弗輟年六十而卒東閣頭村人

張氏

高得梅妻年十六于歸越五年夫亡子尚襁褓晝則抱子耕田夜則紡績撫子成立年七十五而卒東閣頭村人

李氏

高登科妻年二十一歲夫亡無子家貧父母逼之嫁氏以奪已志永不歸甯甘藜藿勤織紡終無怨言擇族姪為嗣年六十九而卒

張氏 高維漢妻年二十四歲夫亡家貧子幼食糟糠勤織紡績不廢年六十五而卒

楊氏 王三崇妻年十四時夫出外不返一姑一嫗相依為命氏無怨尤勤紡織善事姑嫗生養殁葬從未稱貸於人年七十三而卒

陳氏 張靜安妻年十五于歸越三年而夫亡無子以姪為嗣矢志不他適事舅姑甚謹閨門靜肅人無間言年六十八而卒

荆氏 張釗繼妻年二十五歲夫亡二子俱幼氏矢志靡他謹事孀姑善撫前女年八十三而卒積善村人

樊氏 李維翰妻年二十一歲夫亡子幼家寒衣食無出織紡度日撫子成立年五十三而卒積善村人

李氏 張宏道妻年十八歲夫亡子在襁褓父母欲改嫁之氏且泣且誓所不為張氏婦者有如皦日一意事姑

李氏 養子年八十五而卒西孝子村人

李氏 荆虎成妻年二十一歲夫亡堅志守節艱苦備嘗年六十五而卒社興村人

王氏 曹新命繼妻年二十五歲夫亡子幼撫訓有方年七十六而卒積善村人

劉氏 林喬雍妻年二十歲夫亡無子撫姪如已出人或謂之他適氏以不二夫言拒之撫姪成立年八十二而卒富勤村人

樊氏 景萬壽妻年二十一歲夫亡二子俱幼家貧親老氏携二子乞食養姑年五十而卒富勤庄人

姬氏 胡可學妻年二十夫亡子幼家貧織紡度日年八十而卒

樊氏 林合範妻年十九歲夫亡子幼家貧借女工以營食年八十而卒上竇氏人

樊氏 張效鐸妻年二十四歲夫亡子女俱無父母勸之他適氏泣而不答遂茹荼飲蘖苦節自守年六十二而

待旌節婦續下

卒張留
村人

李氏

韓元會妻生子未週一歲夫亡翁姑老氏生事死葬如禮光緒丁丑大禮度無生計閉門餓死時年五十

一歲鷄
樊村人

張氏

庠生胡文秀妻性端方年十八歲夫亡生平未嘗出一戲語年八十七而卒窶兒上人

張氏

衛士秀妻年二十八歲夫亡孝事翁姑慈育幼子年六十而卒張留村人

王氏

沈嘉福妻年十九歲夫亡遺子數月氏矢志守節以存宗祀人無間言年五十二而卒下竇氏人

李氏

王肯堂妻年十八歲夫亡無子舅姑諷以他適氏聞之以死自誓撫姪繼諤如已出年七十六而卒下竇氏人

人氏

胡氏

王學義妻年三十歲夫亡事繼姑孝教幼子嚴族黨稱之年七十三而卒下竇氏人

張氏

鍾如亮妻年十八歲夫亡舅姑老且病事之甚謹年四十八而卒皮氏村人

張氏

齊尚英妻年二十五歲夫亡氏貞靜自守終身無間言年五十五而卒張留村人

馬氏

宋廷化妻年二十五歲夫亡貞潔自守終始惟一年八十而卒張留村人

沈氏

監生范福喜妻年二十六歲夫亡子幼翁姑老家頗饒裕氏奉親教子治家理財井井有條先業賴以不墜年八十而卒北里村人

卒北里村人

徐氏

衛大誥妻年十七于歸歲餘大誥亡氏矢志靡他事姑益謹姑微疾不欲氏知至夜半氏獨侍床左右奉

養以姪為嗣年七十
三而卒胡家營人

鍾氏

盧金華妻年十九歲夫亡翁姑俱存家無度用氏以織紉奉養鄉里賢之年七十五而卒牌首村人

王氏

呂靖金妻年十九歲生子應雲數月而寡翁姑年邁氏矢志自守艱苦備嘗應雲長聘王女為婦于歸四

年應雲亦卒生遺腹子名述聖兩世孀居形影相弔年七十六而卒北堡村人

趙氏

王長清妻年二十歲夫亡二子幼氏茹苦含辛教養成立姑早逝事翁甚謹有兄嫂氏處之和諧數十年

無間言年六十而卒

楊氏

張志仁妻年二十歲夫亡姑老病於床氏奉養旨甘以疏糲自充姑歿氏哭之慟殯葬無缺焉時人謂之

孝婦年五十而卒東程村人

周氏

孟傳禮妻年十九歲夫亡生二子翁姑俱存氏事親撫孤苦節自貞年七十四而卒

陳氏

孟興銀妻年二十二歲夫亡子二相繼殤家貧如洗姑年近六旬氏憑紡織奉姑到老辛苦顛連毫無怨言年六十

一而卒

曹氏

呂復旦妻年二十歲夫亡事翁姑以孝聞賦性温和四十餘年未嘗與人爭競年七十三而卒

祁氏

荆振遼妻年三十歲夫亡食貧居賤誓志靡他鄉黨推為節操第一年八十五而卒

郝氏

荆宏中妻年二十九歲夫亡姑老奉之唯謹姑歿守節彌堅氏以族艱於嗣苦守以存宗祀自食其力終

無悔心以堂孫承嗣氏志乃遂年七十二而卒

蔡氏

樊集鵲妻年二十八歲夫亡家貧紡績鄰里罕見村中父老常以賢婦呼之年七十四而卒

趙氏

趙鵬迅妻年二十一歲夫亡子幼氏撫養成室未幾又亡遺一孫在襁褓氏則翼之孀閨寂寞兩世撫孤

姑媳相依為命年六十二而卒

荆氏

呂紀律妻年二十七歲夫亡無子以姪元音為嗣甫半月氏撫之教養備至元音入庠皆氏之力年六十

三而卒站西堡村人

楊氏

郭中和妻年二十一歲夫亡生子二次殤氏茹荼泣血冰霜自矢孝親育子備極艱辛年七十而卒

李氏

李景莊妻年二十五歲夫亡孝姑撫子四十年節操不改年七十三而卒南王村人

衛氏

靳秉仁妻年二十四歲夫亡氏苦節自守枯淚眼者四十餘年年七十六而卒靳家營人

孫氏

孫官奎女年十七歲適鍾數月夫亡家貧氏織紡養姑十餘年姑亡有勸改適者氏峻拒之絕不與言年

六十而卒

荆氏

張久照妻年二十一歲夫亡無子守節事姑最孝年五十而卒

李氏

樊方魁妻年二十四歲夫亡氏崇朴素事翁姑無違禮父母勸其改適氏堅執不允年六十九而卒

吳氏

師天保妻年二十歲夫亡只一女家貧紡織度日姑憐其少欲嫁之氏以姑老女幼甯死不肯他適鄉里

重之年七十六而卒

姚氏

李唐績妾年二十三歲夫亡勤儉治家嗣子郁昌撫養成立年六十而卒

張氏

李汝明妻年二十四歲夫亡孝養翁姑藉紡績供甘撫子克友成立年四十五而卒

董氏

李有山妻年十七歲夫亡孝事翁姑從無閒言及事繼姑尤能委曲盡禮里人稱之年四十七而卒

王氏

郭道清妻年十八于歸數月夫赴幽州迄無音耗家貧紡織糊口孝事翁姑矢志靡他以堂姪立敬為嗣

年六十而卒

李氏

宋創基妻年二十七歲夫亡守節年八十六而卒姚

吳氏

董恒立妻年二十八歲夫亡撫孤成立年六十而卒姚

劉氏

宋珍妻年十八歲夫亡守節六十二年八十而卒姚

孫氏

王萬盛妻年二十二歲夫亡年六十而卒潘西庄人

張氏

劉蠻圪塔妻年二十五歲夫亡年六十一而卒潘西庄人

程氏 張清吉妻年十七歲夫亡生遺腹子教以義方節擬松筠年六十三而卒張家營人

郭氏 張祥盛妻年十八歲夫亡有勸改嫁者輒怒年四十八而卒張家營人

劉氏 張克讓妻年二十九歲夫亡靜守閨中教子讀書有古人風年七十三而卒張家營人

黃氏 生員張作棟之母年二十歲夫亡勤苦撫孤年八十二而卒張家營人

張氏 王之彩妻年十五歲適王未四年而夫亡子女俱無翁姑命其改嫁氏矢志靡他願養生送死以完婦道年八十一而卒郭卓村人

劉氏 閻士妥妻年二十六歲夫亡家貧子幼翁姑俱老氏仰事俯畜五十餘年苦節自貞年八十四而卒張吳村人

樊氏 吳滄經妻年二十六歲夫亡家貧無子時翁年七旬病痺氏奉事唯謹喪葬如禮撫姪為嗣年六十二而卒張吳村人

卒張吳村人

侯氏 吳課經妻年二十四歲夫亡家貧以織紝糊口撫子成立年六十而卒

王氏 師公之妻年三十歲夫亡撫三子教養倍至俱以成立年九十而卒樊家營人

咎氏 陳相朝妻年十七歲于歸越月夫卒於外氏誓不欲生以姑失明矢志養姑常以舌餽日姑目復明人以為孝心所感撫姪為嗣年九十九而卒小陳村人

咎氏 陳其昌妻年二十四歲夫亡遺一孤伯有四子叔有三子氏善遇之後議析產氏獨不願伯叔強之氏作八分分之里人義之年六十而卒小陳村人

姚氏 焦元盛妻年二十九歲夫亡伯嫂亦相繼逝一姪二子俱幼舅姑衰邁家且貧氏苦操作勤織紝仰事俯畜得終天年五十二而卒楊村人

姚氏

焦廣茂妻年二十八歲夫亡無舅姑且乏產業紡績度日撫孤成立年七十二而卒楊村人

姚氏

趙朴妻年二十四歲夫亡無子儉素自持年六十四而卒

杜氏

陳文泰妻年二十九歲夫亡事舅姑孝撫二子成立年八十四而卒高堆村人

王氏

姚至倫妻年三十歲夫亡家貧織紉操作事舅姑甘旨不闕撫二子成立年八十而卒

齊氏

吉喜魁繼妻年二十歲夫亡生子甫兩月家貧甚衣食無出氏茹苦含辛針指糊口教子成立數十年如

一日年七十一而卒坑西村人

暢氏

王文選妻年二十八歲夫亡家徒四壁姑老二子幼紡績度日事姑以孝聞撫孤成立年六十六而卒高

堆村人

樊氏

薛祥銀妻年二十二歲夫亡家貧姑老子幼氏甘心守義事姑最孝撫子成立始終不怠年七十六而卒

航子村人

暢氏

王利墨妻年二十四歲夫亡家貧敬事舅姑善撫孤子茹茶餘糜備嘗辛苦為子納監孫三入庠者二年

九十三而卒航子村人

王氏

咎嘉棟妻年二十歲夫亡家貧事姑以孝聞二十餘年不倦撫遺腹子玉盛成立備受艱辛年六十八而

卒樂善村人

姚氏

李姚娃妻年二十五歲夫亡堅貞自守年七十而卒楊村人

李氏

魚全盛妻年二十四歲夫亡專心靜守歷久不渝年五十一而卒楊村人

王氏

尚灼妻年二十六歲夫亡子甫二齡舅姑垂暮紡績以為事畜備嘗艱苦年六十九而卒孫遠村人

王氏

尚德妻年二十九歲夫亡冰心霜操歷久不變敬事姑嫜和睦妯娌訓子以嚴育孫以慈人稱閨闈完人

年八十六而卒孫遠村人

張氏

姚鳳上妻年十八歲夫亡以姪為子自三歲撫養以至成立艱苦備嘗年八十五而卒

咎氏

侯維江妻年二十五歲夫亡子幼家貧氏以紡績度日授室生孫子又亡與孀媳杜氏共撫弱孫教養兼

施卒使成立咎年八十三而卒杜年五十九而卒婆兒村人

謝氏

咎林林妻年二十六歲夫亡家徒四壁事姑撫孤備嘗艱苦卒使三孤成立年六十五而卒咎村人

侯氏

姚德祿妻年二十二歲夫亡子尚襁褓氏茹苦含辛撫養成立授室生孫子又亡撫孫劬勞貞節壽世年

八十一而卒

趙氏

姚改樣妻年二十八歲夫亡無子且貧誓不再醮紡績自贍靜默寡言年七十而卒

李氏

姚永福妻年三十歲夫亡家貧子幼常以女工為備飲食教誨歷諸艱辛子稍有失嚴責不貸卒使成立

年六十八而卒平宜村人

趙氏

姚廷寬妻年二十六歲夫亡以姪為嗣委家務於姊日以紡績教子為事暮即扃戶獨處無事未嘗出門

年七十而卒平宜村人

楊氏

范步鼈妻年二十歲夫亡事繼姑委曲承歡甘旨無缺撫腹子成立鄉里稱之年五十七而卒丁莊村人

楊氏

范營岡妻年二十九歲夫亡事繼姑以孝聞一子先亡撫孤孫三人值年饑無以糊口遂自縊年六十卒

丁莊村人

咎氏

范金娃妻年二十八歲夫亡事姑孝始終不怠姑歿哭泣之哀感動路人年六十八而卒丁莊村人

王氏

姚克剛妻年十七歲夫亡姑老子幼家貧強族頻凌氏不與校勤織紡以供事畜始終無怨言年八十五

而卒平宜村人

王氏

樊正宗妻年二十一歲夫亡家貧無子慨然以養姑撫叔為已任年八十三歲卒張郭村人

吳氏

樊際河妻年二十三歲夫亡無子翁姑在堂氏屢勸翁另娶以圖後嗣翁從其言生子三歲翁姑相繼逝氏撫育成人年五十

二而卒張郭村人

劉氏

吳志高妻年十九歲夫亡子八歲堂叔窺其家有遺金掘地搜金氏不敢言亦不敢怒子偶搬磚得白金

一銅罐氏以先祖遺金召叔均分之年八十九而卒吳王村人

吳氏

楊懷元妻年二十二歲夫亡子方一歲翁姑俱老生養歿葬無不如禮教子成立年六十八而卒

李氏

衛文秀妻年二十一歲夫亡子甫三歲家道寒微躬親織紉備極苦楚孝事翁姑撫養子孫鄉人因贈以匾額顏之曰節孝流

芳年七十三而卒

胡氏

傳端齋妻年二十六歲夫亡無子矢志靡他險阻艱難備嘗辛勞苦心孤詣鄉人到今稱之年七十八而

卒站北

堡村人

孟氏

王來鶴妻年二十六歲夫亡翁姑衰老氏慨然以代夫事親為已任晨昏定省孝養備至翁姑繼歿殯葬

盡禮撫姪為嗣教養成成人年七十五而卒大庄頭人

楊氏

王生茂妻年二十五歲夫亡家貧親老矢志靡他奉養翁姑始終無懈殯葬翁姑盡哀盡禮似此節孝兼

優鄉黨猶嘖嘖稱道不衰云年六十八而卒大庄頭人

楊氏

王原瑩妻年二十二歲夫亡家貧親老矢志靡他孝事舅姑養生送死無不盡禮撫姪為嗣教養備至鄉

黨稱之年七十八而卒大庄頭人

趙氏

荆維翰妻年二十一歲夫亡生遺腹子家貧親老勤織紉以養翁姑為子授室子婦王氏二十歲而寡遺

孤尚幼兩世孤孀形影相弔家計愈窘勵志彌堅光緒四年歲大禮姑年七十餘婦年五十皆餓死泉兒

杜村人

王氏 張立妻年二十歲適張甫周旬夫即出外音問遂絕氏績紡養姑頗得歡心姑臨終勸其他適氏以姑在

事姑姑歿存祀拒之年七十一而卒疑坡村人

景氏 李月盛妻年二十七歲夫亡子三歲撫養成立無事不出戶庭雖里中賽社置若罔聞年七十八而卒李家坡人

閻氏

王國興妻年二十四歲夫亡遺一子家貧事親撫子不厭糟糠含辛茹苦六十餘年晚歲子孫相繼而亡

僅留一媳能承氏志年八十六而卒北馬村人

汪氏 王彩鵬妻年二十五歲夫亡月餘舉一子家貧姑老矢志靡他孝姑撫子稍長家益窘氏乃盡鬻粧奩為

子婚娶茹苦嘗辛始終不渝年七十而卒卓逸村人

王氏 李肇庸妻年二十三歲夫亡子女俱無靡他自矢祈伯姒子女各一撫之一如已出年六十三而卒

王氏 李跟淡妻年二十三歲夫外出無音家素貧氏勤紡績茹粗糲無怨無尤苦心孤詣以縣先祀年五十三而卒道場村人

陳氏

王樹梅繼妻年二十一歲夫亡前子天柱九歲教養兼施愛如已出柱亦下氣怡色恪遵慈訓若不知其為繼母焉年七十四而卒陶唐村人

翟氏

謝得温妻年二十六歲夫亡晝操井白夜勤織紡數十年如一日艱苦備嘗年五十九而卒東卓村人

王氏 楊豫金妻年十九歲夫亡僅一女氏勤織紡孝養翁姑有叔年幼恩勤撫育卒使成立叔亦敬之如母焉四十餘年無閒言年七十二而卒台狐村人

郝氏

王國本妻年二十九歲夫亡氏紡績度日撫孤成立季子圭璋弱冠遊庠年七十九而卒北關人

曹氏 翟文興妻年二十二歲夫亡子甫二齡撫孤成立備嘗辛苦年六十三而卒北關人

汪氏 王光燦妻年十八歲夫亡家業式微勤織紡以養翁姑數十年無怨言鄉黨以微柔懿恭贈匾年七十三而卒陶唐村人

董氏 李鶴臯妻年二十三歲夫亡氏事姑訓子艱苦備嘗黃宗師以冰操勵節贈匾年七十而卒景家庄人

樊氏 王順喬妻年歸王越一載夫亡氏指遺腹而哭王氏若存此腹必男及生果男氏教養備至王氏宗祀不墜者樊氏之力也年七十八而卒

陳氏 王巷西妻及笄歸王踰一載夫亡生遺腹子撫養成立督責頻加如嚴父然家雖寒微茹荼餘葉毫無怨言鄉人重之年六十而卒西任上人

趙氏 吉惠麟妻年二十九歲夫亡氏矢志靡他教子成立年九十齒牙耳目一如童稚年九十五而卒坑西人

周氏 丁滿益妻年二十五歲夫亡家貧姑老誓不他適晝夜績紡屢經凶歲奉姑甘旨不缺鄉里賢之年六十二而卒坑西村人

趙氏 丁長喜妻年二十二歲夫亡遺一子甫周歲母家令改適氏痛哭誓守屢遭困厄苦節彌堅年五十六而卒坑西村人

符氏 王建章妻年二十八歲夫亡遺孤尚幼母家令改適數遭荒荒祲苦節自守年五十五而卒窰村人

杜氏 趙據長妻年二十歲夫亡氏守貞撫孤至老不渝年四十八而卒窰村人

周氏 趙義黃妻年二十四歲夫亡子甫數月氏痛哭欲殉姑以汝死子不得生趙氏絕之語慰之氏悟忍死守志紡織糊口孝姑訓子年六十二而卒窰村人

王氏 郝同純妻年三十歲夫亡二子幼氏誓不二天熒熒撫育四十餘年勤女紅以供度用為人所難年五十

六而卒樊家卓人

張氏

王秉文妻年二十歲夫亡事衰姑得歡心撫二子成立年六十而卒

潘氏

皆為聖妻年二十歲夫亡撫子秉文成立名列膠庠年六十三而卒皆村人

皆氏

皆為皆妻年二十五歲夫亡專心靜守撫孤成立年六十七而卒鄉里贈匾曰節壽雙輝皆村人

樊氏

劉居安之母年二十六歲夫亡孝事舅姑年六十五而卒石彪村人

樊氏

張學謙之母年十九歲夫亡事親教子勤儉宜家年六十一而卒張吳村人

劉氏

王德聚妻年二十九歲夫亡子尚幼族有凌侮者氏矢志彌堅年八十而卒郭庄村人

魯氏

庠生張天森之庶母年二十二歲夫亡年六十七而卒吳王村人

范氏

王謀之孀母年十九歲夫亡家貧無子以姪為嗣年八十四而卒上王村人

吳氏

生員宋雲龍之伯母年二十三歲夫亡撫姪猶子成人年六十九而卒姚庄人

衛氏

許林基妻年二十五歲夫亡年七十七而卒

暢氏

楊月兒妻年二十二歲夫亡翁姑俱逝子女尚幼氏勤織紡撫孤成立年六十一而卒北張村人

王氏

楊考新妻年十九歲夫亡無子撫姪為嗣年四十四而卒

程氏

劉年成妻年二十一歲夫亡苦節撫孤年七十二而卒潘西村人

暢氏

閻肇奎妻年二十四歲夫亡殷勤教子誓無他志年五十三而卒張吳村人

樊氏

杜泰和母年二十二歲夫亡恪執婦道教子有方年七十一而卒石彪村人

周氏

劉維材妻年二十八歲夫亡無子氏矢志靡他端嚴恪謹年五十五而卒石彪村人

樊氏

劉景雍妻年二十七歲夫亡性至孝事祖父母舅姑曲盡婦道妯娌咸以為法年五十而卒石彪村人

樊氏 生員劉世德妻年二十八歲夫亡事翁姑孝待妯娌和年六十六而卒石彪村人

張氏 閻大節妻年十九歲夫亡族人謀產勸氏改適氏志矢栢舟撫姪猶子無閒可乘年六十二而卒張吳村

樊氏 張永在妻年十九歲夫亡家貧姑老奉養維謹松筠勵節苦心撫孤年六十五而卒角杯人

張氏 王德連妻年二十九歲夫亡子幼不少寬貸至孫督課益嚴孫早游庠皆氏之力年七十而卒郭庄人

樊氏 王思禹妻年二十六歲夫亡祖姑及舅姑伯叔姑皆在堂家計甚艱氏養生送終教子成立年八十八而卒竇氏村人

樊氏 閻肇環妻年二十一歲夫亡無子事舅姑撫眾姪終身未嘗怠年五十一而卒張吳村人

姚氏 趙開選妻夫歿於秦氏年二十八子八歲四壁蕭然恒數日不舉火氏備織衽以撫孤子稍成立令遷父櫬歸葬焉年八十五而卒義堂村人

孫氏 晉公魁妻年二十六歲夫亡子尚幼家且貧孤苦伶仃艱辛萬狀撫孤成立年八十三而卒晉村人

侯氏 薛祥鈞妻年十八歲夫亡子甫三歲家貧甚氏勤績紡事舅姑不怠教子以嚴授室生孫子復天撫孤孫益勤懇身心並瘁嘔血而亡年七十八而卒航子村人

劉氏 尚登選妻年二十九歲夫亡無子姪男一未期月姪女二俱幼怙恃均失依氏為命家且貧氏勤織紡以養以教卒使成立年七十八而卒

姚氏 李世芳妻年二十歲夫亡舅姑相繼歿氏誓不欲生轉念有娠姑待生男猶可延李氏一脈彌月生男飲食教誨俾至成立年七十而卒孫遠村人

趙氏 賈繼忠妻年二十四歲夫亡無子事翁姑甚孝績紡度日艱苦備嘗年七十而卒邑令王旌其門城南庄

王氏 田發盛妻年二十歲夫亡子萬興甫六歲氏撫養授室越八年萬興亡撫媳楊氏又撫孫樹茂成立晝耕

夜績餬口多從十指出年六十五而卒樊橋站人

楊氏

田萬興妻年二十一歲夫亡子樹茂甫半歲氏恐絕田氏祀矢志靡他艱苦備嘗事姑謹訓子義晝耕夜績教子成立年六十

張氏

許景樾妻年二十八歲夫亡姑老子幼家道艱窘氏事姑唯謹撫子成立年六十六而卒池巷人

段氏

樊皇都妻年二十八歲夫亡子幼家貧針黹度日母欲奪其志氏峻拒之終身不往母家年六十五而卒

閻氏

賈新房妻年三十歲夫亡家貧績紡養姑凡姑所欲食者力為購求鄉里稱之年八十二而卒卓里鎮人

賈氏

謝麟兒妻年二十四歲夫亡孝事翁姑公舉節孝年六十三而卒東卓村人

左氏

李韻博妻年二十一歲夫亡生一子方數月孝順翁姑撫子成立年五十七而卒道場村人

李氏

韓作霖妻年三十歲夫亡子女俱無撫姪為子艱苦備嘗鄉黨以栢舟是式表其門年七十二而卒道場

村人

王氏

楊熙親妻年二十四歲夫亡無子撫姪為嗣年五十六而卒

衛氏

胡九儒妻年二十歲夫亡養老恤孤曲盡孝慈凡親鄰中有孤寡者尤極力賜恤之年九十八而卒席家

窰人

景氏

柴凌滄妻年二十八歲夫亡子甫四歲家徒四壁矢志守貞孝事舅姑教子成立年七十八而卒席家窰

村人

費氏

侯金鎔妻年二十五歲夫亡子幼家貧人有勸其嫁氏正色斥之以栢舟自矢備歷艱辛撫孤成立以懿

先祀年七十而卒席家窰人

張氏

閻守義妻年三十歲夫亡氏矢志靡他含辛茹苦者六十餘年年九十三而卒席家窰人

吳氏 尚登第妻年二十二歲夫亡親老子幼氏績紡為業
仰事俯畜辛苦備嘗年七十三而卒楊范村人

劉氏 尚兩羊妻年二十四歲夫亡無子有姪年甫三歲其
母改適氏親撫育恩同已出年七十而卒楊范村人

馬氏 吳良和妻年二十八歲夫亡家貧子幼撫孤成立年
五十八而卒宏土村人

柳氏 張貞智妻年十八歲夫亡衣食雖足苦無人丁氏勸
舅姑納側室數年得二子娶妻生子繩繩不絕皆氏

之力年八十三
而卒北暢村人

范氏 王提山妻年二十歲夫亡有三子家貧氏績紡為生
勤儉持家教子成立年八十三而卒北暢村人

張氏 楊興進妻年十九歲夫亡無子家貧親老氏苦節常
貞以姪為嗣年七十二而卒后土營人

邵氏 張百秀妻年二十八歲夫亡家計尤艱針黹度日以
養翁姑苦節三十餘年年七十一而卒后土營人

張氏 王瑛喬妻年二十二歲夫亡無子奉姑撫姪克盡婦
道年六十二而卒浪池村人

楊氏 劉成法妻年十九歲夫亡無子撫姪為嗣年七十二
而卒潘西村人

張氏 劉景恩妻年十八歲夫亡子甫周歲撫養成人年六
十而卒潘西村人

宋氏 劉步元妻年二十二歲夫亡子甫周歲撫養成人年
六十一而卒潘西村人

樊氏 劉必昌妻年二十八歲夫亡子方七歲撫孤成立年
六十八而卒潘西村人

張氏 劉若生妻年三十歲夫亡子甫三歲撫孤成立年八
十三而卒潘西村人

張氏 劉世義妻年二十七歲夫亡撫孤成立孫甫周歲失
恃氏又撫養年七十八而卒潘西村人

王氏 劉欽襲妻年二十二歲夫亡家貧撫孤值歲荒母子
俱亡年五十五而卒潘西村人

宋氏 謝鴻貴妻年二十五歲夫亡以姪為嗣年六十八而
卒西周吳人

陳氏 李景淹妻年二十四歲夫亡以姪為嗣年四十七而
卒峪南村人

張氏 劉景計妻年十九歲夫亡家貧撫孤值歲荒母子俱亡年四十六而卒潘西村人

姬氏 張爾省年二十一歲夫亡家貧姑老氏乞食奉養年五十八而卒吳王村人

韓氏 孫世忠妻年十九歲夫亡育子成立備歷艱辛年五十八而卒楊范村人

黃氏 庠生吳修彥妻年二十三歲夫亡事姑教子曲盡婦道年四十一而卒宏土村人

謝氏 樊廷金妻年十七歲夫亡子女俱無氏矢志栢舟數十年無閒言年七十三而卒北連村人

李氏 張永祜妻年十八歲夫亡孝事翁姑翁病氏侍湯藥翁歿姑患癱氏晝夜服事毫無懈容姑歿殯盡禮不逾年氏亦卒年四十而卒黑順村人

吳氏 張江妻年二十三歲夫亡撫孤成立年七十五而卒北暢村人

暢氏 張養氣妻年二十四歲夫亡教子成立年八十一而卒后土營人

荆氏 趙仁裕妻年十九歲夫亡人或勸其他適氏以矢志靡他拒之紡織餬口孝事翁姑歿齒無怨鄉里重之年五十二而卒窰村人

晁氏 樊明浩妻年二十一歲夫亡生遺腹子命名日記父寄食母家父母欲奪其志氏堅志不從携子旋里紡績度日後少歸甯里人賢之年六十六而卒西寺后村人

王氏 呂全掌妻年二十歲夫出外無音耗撫遺腹子授室生孫未幾而子亡又撫二孫成立日勤織紡備歷艱辛年七十六而卒

楊氏 姚大畏妻年二十五歲夫亡孝事翁姑教訓子孫俱至成立鄉里親族以代成靡他四字懸匾頌之年五十六而卒

趙氏 陶唐村人 王春歡妻年二十五歲夫亡養殮不給色養翁姑年五十而卒北井村人

待旌節婦 續下

三五

三五

三五

三五

三五

三五

毛氏

王生福妻年二十五歲夫亡孝事翁姑撫四歲孤授室生孫未幾而子天氏與媳撫孫訓以守節大義年六十八而卒北井村人

吳氏

吉小偏妻年二十五歲夫亡家貧氏以織紉自給年七十一而卒吉家營人

張氏

王作肅妻年二十六歲夫病以改適命氏氏痛哭流涕夫亡氏誓死同穴以姪為嗣年七十八而卒郭卓村人

樊氏

吳多珮妻年二十四歲夫亡無子年六十三而卒吳王村人

劉氏

吳佩琇妻年二十四歲夫亡無子年五十七而卒吳王村人

王氏

費福同妻年二十歲夫亡子方期撫養成室子又亡苦撫嗣孫鄉里重之匾以淑節雅範年六十九而卒

閻氏

王景堂妻年二十六歲夫亡氏毀容自勵不事華飾年四十而卒郭卓村人

張氏

楊德安妻年十九歲夫亡未幾子又亡氏冰操自矢延嗣守節鄉里匾以義撫孤蘭年六十八而卒西將軍屯人

胡氏

劉兆麟妻年二十九歲夫亡貞節自矢孝事舅姑年四十七而卒石彪村人

王氏

楊考新妻年十九歲夫亡撫姪為子年四十四而卒

劉氏

張天杰妻年二十四歲夫亡年四十五而卒吳王人

尤氏

王貞廣妻年二十八歲夫亡年七十而卒上王村人

張氏

王作肅妻年二十六歲夫亡氏誓不他適勵志撫姪年七十八而卒郭卓村人

崔氏

姚正中妻年二十歲夫亡子甫二歲翁姑相繼逝子亦旋亡氏安貧守義不受人憐光緒三年歲大稔餓死於床年八十二而卒陶唐村人

謝氏 姚靖忠妻年二十八歲夫亡生四子翁姑相繼亡夫兄弟欲奪其志氏誓死撫孤堅執不允遂議析爨異居日食糟糠織紡餬口教子成立後則子孫繩繩家道漸興皆氏之功焉年七十九而卒陶唐村人

以上待旌已故節婦貳佰肆拾陸人

張氏 楊玉馨妻年十八歲夫亡無子撫姪為嗣家計維艱紡績度日事姑持家以孝謹著歲值大祲甘心困餓

不受人憐鄉里重之現年七十六歲水頭村人

謝氏 姚清源妻年二十八歲夫亡氏矢志守節孝事翁姑現年七十歲陶唐村人

任氏 楊育功妻年二十四歲夫亡家貧如洗子生二孫而亡未幾長孫又亡撫次孫成立備嘗辛苦家境漸亨人以為苦節之報云現年八十三歲西將軍屯人

衛慶春妻年二十歲夫亡遺腹生男家貧姑老氏奉養無違時勤女工糟糠不厭姑歿葬悉如禮子獲成

楊氏 立現年五十九歲東將軍屯人

王家楣妻年二十五歲夫亡子女俱幼堅志守節勤於織紡事翁姑備極孝敬撫子女成立現年五十六歲東將軍屯人

汪氏 王慶遠妻年二十四歲夫亡家道殷實氏屏華飾飲食衣服一如寒素孝事翁姑和睦妯娌恩撫子姪以姪為嗣現年五十四歲鹿皮窰人

高氏 荆興周妻年二十八歲夫亡三子俱幼家無產業氏以績紡自給辛苦備嘗終能教子成立現年六十七歲武村人

楊氏 荆天仁妻年二十九歲夫亡子甫八歲氏誓志守節子至十六歲又亡貞節終不可奪現年六十五歲武村人

王氏 待旌節婦續下

待旌節婦續下

待旌節婦續下

待旌節婦續下

待旌節婦續下

待旌節婦續下

王氏 荆邦潤妻年三十歲夫亡家貧姑老子女俱無氏勤針黹事姑度日絕不憚勞姑歿衣衾棺木皆氏織紡

所出現年五十歲武村人

樊氏

王傳道妻年二十五歲夫亡子女俱無父以志將安出詢氏氏唯含泣誓死靡他姑患痢瀉朝夕侍側衣不解帶者數年姑歿氏晝夜哭泣毀瘠骨立幾不欲生現年五十六歲卓逸村人

謝氏

薛煥妻年二十七歲夫亡二子俱幼家貧親老兼有寡妯癱瘓在床氏以一身任其艱年久不懈事姑撫孤人無閒言現年五十八歲

閻氏

王維新妻年二十歲夫亡子甫六月家徒四壁氏紡績以養翁姑教子讀書卒使成立鄉人贈節苦名馨匾以表之現年十六歲東福壽屯

程氏

李泰泰妻年二十歲夫亡子方周歲未幾翁姑歿氏醫指瀝血以撫孤存祀自誓志不能奪子就傅束脩

無出氏織布數疋以餽先生先生

義之現年五十四歲王申村人

胡氏

楊景良妻年二十二歲夫亡子女俱無奉姑育姪皆出織紡曲體親心必盡所歡延師課姪愛逾所生三十年如一日現年五十五歲下賓氏人

樊氏

張中節妻年二十五歲夫亡無子事姑曲盡婦道姑歿撫姑之幼女恩勤備至熒熒獨立艱苦萬狀人多憫之現年六十五歲張留村人

張氏

荆思舜妻年二十六歲夫亡事翁姑得歡心宗族鄉黨稱之現年五十六歲社興村人

廉氏

王瑛繼妻年二十歲夫亡生子士鎔氏誓不欲生既而以撫孤存祀為念茹苦含辛不辭勞瘁現年五十六歲太原坊人

呂氏

吳興泰妻年二十歲夫亡子幼舅姑早逝奉祖母曲盡婦道苦節自守現年五十七歲上賓氏人

張氏 沈清吉妻年二十四歲夫亡子甫三月氏矢志靡他雖繼姑督責甚嚴氏終下氣怡色未嘗稍忤其意現年五十八歲

下竇氏村人

王氏 胡文斌妻年二十六歲夫歿於陝氏携幼子負骸骨自陝歸葬年近七旬猶晝夜紡績饗饌無比現年七十三歲

上村人

張氏 李晉文妻年二十歲夫亡無子女舅姑俱老氏紡績以給甘旨年近七旬猶守婦道現年六十七歲東孝

子村人

鍾氏 李孟魁妻年二十六歲夫亡家貧子二女一藉針指養育之鄰里周恤堅辭不受苦節矯矯而力且益堅年度六旬織紡如故現年六十三歲文家營人

王氏 孟衍祐妻年二十四歲夫亡生女歲餘氏念夫遺體不忍溺棄故家室屢空而氏操守彌堅現年七十四歲

歲

陳氏 盧立馬妻年十六于歸七日夫外出數十年無音信家甚貧氏茹苦飲藥毫無二志以姪為嗣鍼黹度日撫養成成人現年六十二歲牌首村人

李維琪妻年二十三歲夫亡事翁姑孝撫姪鎖良以承夫職現年七十一歲

郝氏 汪本成妻年二十八歲夫亡無子堅志守節現年六十一歲

張氏 江澤昶妻年二十四歲夫亡無子清節自守事舅姑柔順可嘉現年五十五歲

周氏 崔蘊璋妻年二十七歲夫亡苦志守節教子成人親族咸敬重之現年六十三歲上永德村人

張氏 鄧叶定妻年二十八歲夫亡安貧守義金石同貞見者無不憐而敬之現年六十五歲牌首村人

陳氏 韓懷堯妻年二十二歲夫亡家貧子幼度用無出織紉餬口二子成立現年七十三歲內和南營人

賀氏 田萬寶妻年二十歲夫亡氏呼天而泣水漿不入口者三日婦姑曲意撫慰氏矢志栢舟孝事孀姑以姪

為嗣現年五十一歲東五姓村人

張氏 姚秉灼妻年二十二歲夫亡無子善事翁姑姑歿繼姑待氏不以禮雖極苦楚不渝其志姑亦悔悟相得益歡撫姪為子恩若

已出現年五十九歲

暢氏 從九王昭妻年二十四歲夫亡女一家道艱窘晝夜紡織養姑育子數十年無怨言現年五十五歲

霍氏 周遇奇妻年二十四歲夫亡姑老子幼家貧如洗姑勸氏嫁氏不忍圖一已之安而改節移志誓以紡織

育子姑稱其孝人無閒言現年五十三歲

范氏 生員張繼儒妻年二十八歲夫亡無子夫臨終以適守詢氏氏素嫻女誠答以從一而終矢志守節撫姪

成立現年六十四歲張家營人

張氏 吉萬年妻年十八歲夫亡家貧無子或勸改適誓不失節撫養堂姪糟糠度日現年七十歲吉家營人

姚氏 陳營娃妻年二十五歲夫亡遺一孤富豪某以百金啖乃父欲奪其志氏剪髮自誓事遂寢為子議婚父

恐氏晚節不終未遠允氏即破指出血

作詩自誓現年五十六歲小陳村人

段氏 陳雲集妻年二十五歲夫亡舅姑恐不終節欲嫁之氏誓不他適孝事舅姑姑得疫疾舉家皆避氏獨侍

湯藥不離左右鄉人重之

現年六十一歲小陳村人

楊氏 從九王執鈺妻年三十歲夫亡氏勤織紡撫孤紀堂教養備至後家道漸亨事翁姑益謹姑年五十後得

喘嗽疾服藥不效飲酒即少差氏不俟姑命親為造酒日奉十餘次十餘年如一日瓶罄氏方慮復造而酒忽盈缶里人以為孝之所感云

現年七十六歲尚無恙好義村人

賈氏 薛鳳湘妻年二十六歲夫亡孝事舅姑撫孤成立既生孫而子殤撫孫更加勤懇現年六十八歲耽子人

待旌節婦續下

早

王氏 陳錫平妻年二十五歲夫亡堅志自守有二姪幼失

王氏 崔大鵬妻年二十二歲夫遠出魚雁遂杳只一女貧

謝氏 牛肇通妻年二十五歲夫亡子一姑生子乏乳氏兼

鞠之以甘旨養老慈幼已則糠粃不厭堅貞自矢撫

王氏 趙思善妻年二十五歲夫亡家貧無子舅姑老又多

病氏誓不他適生養死葬氏獨任之現年五十二歲

姚氏 義堂村人 焦自元妻年三十歲夫亡家貧姑老勤女工以供甘

旨兩叔繼亡生養死葬氏獨任之現年五十五歲楊

鄧氏 嚴以濟慈子亡遺孤孫二復以撫子者撫孫現年七

十二歲 丁莊人

晉氏 范陳管妻年二十七歲夫亡家無恒產晨織夜紡僅

趙氏 蘇世魁妻年二十九歲夫亡二子俱早逝家貧無依

馬氏 孤苦零丁紡績自給現年七十八歲丁莊村人

廉氏 范穩膺妻年二十九歲夫亡事姑以孝聞供二子讀

李氏 書不稍姑息均使成立現年五十一歲丁莊村人

荆氏 吉世法妻年廿歸吉越七日而夫外出杳無音信氏

矢志靡他貞同介石孝事翁姑和處妯娌鄉人稱之

現年六十一歲 泉兒杜村人 吉常娃妻年二十八歲夫亡無子誓不欲生恐益翁

賈氏

同知李紹貞妻年十八歲夫亡生遺腹子氏撫育教誨不少寬恕布裙荆釵不類素封事無巨細親為裁決摒擋一切井井有条以子凝現貴

薛氏

陳慶有妻年二十五歲夫亡子甫九歲家道貧寒氏茹荼飲藥不辭其苦孝事翁姑姑遭疾親侍湯藥晝夜無倦容里人以節孝兼優贈匾表之現年六十一歲霍村人

許氏

呂文煜妻年十八歲夫亡遺子在抱氏矢志撫孤教子成人為子授室以縣呂氏之祀迄今鄉人猶稱道弗哀云現年六十三歲高家運村人

武氏

楊宗敏妻年歸楊五閱月而夫亡其父母勸之嫁氏正色拒之願勿以為言由是矢志靡他孝事翁姑口無多言足不輕出三十餘年里人未識其面現年五十三歲東馬村人

趙氏

李天才妻年二十一歲夫亡孝事翁姑深得歡心薄田三畝餬口不給因以績紡度日現年六十一歲左

家庄

謝氏

李確確妻年二十七歲夫亡家貧無子孝事翁姑生養歿葬無不如禮現年五十六歲左家庄人

王氏

黃同富妻年二十二歲夫亡家貧無子氏孝敬舅姑撫姪為嗣現年六十歲南暢村人

吉氏

陳端妻年二十六歲夫亡子女俱無冰霜自矢撫姪世平為嗣教之入庠食餼現年六十一歲上村人

孫氏

荆祥瑞妻年二十七歲夫亡子幼家貧氏以績紡度日撫孤成立現年五十九歲後街人

姚氏

陳炳魁妻年二十七歲夫亡家計維艱績紡度日艱辛萬狀現年五十六歲北關人

張氏

高貽德妻年二十二歲夫亡家貧誓不欲生轉念遺腹收淚安厝越四月產一男紡績度日為子授室一切經費皆出十

指現年七十歲

王氏

暢追論妻年二十九歲夫亡家人令改適氏不從繼加窘辱以破屋數間與氏矢志彌堅紡績撫子生

高晉系志

待旌節婦續下

三

孫而子又亡兩世無孤
子然特立現年四十歲

黃氏

李正綱妻年二十五歲夫亡遺一女撫育有方事繼
母得歡心氏夫兄弟五人各析居歲大饑氏賣房產
度日以半價分給弟姪人謂
之女丈夫現年五十四歲

蕭氏

郝新太妾新太無子從陝納氏歸二年餘新太亡氏
自誓靡他撫遺女成立事太妻惟謹現年三十八歲
張登選妻年二十歲夫亡子女俱無家貧親老紡績
養親翁姑德之常稱其孝人無閒言現年五十四歲

韓氏

賈村人
王文錡妻年二十三歲夫亡生子甫一歲氏慟哭淚
血念立嗣綦重忍死以育稍長教讀現年四十四歲

姚氏

荆殿邦妻年二十五歲夫亡家貧姑病子幼氏以績
紡度日事病姑訓幼子辛苦備嘗不辭其瘁現年六
十九歲

楊氏

王萬柳妻年二十二歲夫亡遺孤尙未周歲氏立志
撫孤未幾而孤殤氏苦命薄誓無他適翁姑鄉里皆
稱其孝現年五
十歲就子村人

周氏

王暑娃妻年二十六歲夫出外無蹤家貧無依氏苦
紡績孝事孀姑數十年如一日現年六十一歲就子
村人

王氏

李正官妻年十八歲夫亡子女俱無翁姑心憂氏窺
其意脫簪珥却綺羅終身不御孝事翁姑恩勤撫姪
苦心孤詣不求人知現
年六十歲程范村人

孟氏

焦元杰妻年二十六歲夫亡家貧姑老遺姑尙在襁
褓氏勤織紡仰事俯畜備嘗艱苦現年五十五歲楊
村人

晉氏

范穆穆妻年十九歲夫亡孝事舅姑生養及葬無不
如禮督責二子俾克成立現年六十六歲丁莊村人

任氏

武生王念樂妻年二十一歲夫亡無子氏苦節自貞糟糠不厭鄉人贈以節孝可風現年七十七歲

焦氏

姚東雨妻年二十五歲夫亡子甫三歲含辛茹苦撫養孤子卒使成立現年五十八歲北關人

黃氏

姚東科妻年二十二歲夫亡子女俱無矢志靡他現年五十八歲北關人

姚氏

陳炳魁妻年二十七歲夫亡家計維艱績紡度日艱辛萬狀現年五十六歲北關人

孟氏

樊遵憲妻年三十歲夫亡姑老子幼績紡度日數十年無他志現年七十六歲北連村人

翟氏

李思卦妻年十七于歸夫出外越二年病故生遺腹子撫養成人現年五十六歲李家坡人

潘氏

崔萬成妻年二十四歲夫亡事舅姑得歡心止一女以猶子為嗣現年五十六歲姚村庄人

姚氏

李辛酉妻年二十八歲夫亡家貧氏勤織紡撫子成立現年六十四歲姚村庄人

吳氏

師貞濟妻年二十九歲夫亡無子撫育兩姪以幽閒貞靜稱於鄉現年六十二歲

劉氏

吳克堆妻年二十七歲夫亡家貧忍饑苦守撫養二子成立現年六十八歲

毋氏

吉雨成妻年二十一歲夫亡子五歲天氏以寔命不猶撫姪為嗣現年五十八歲吉家營人

柴氏

李毓梅妻年二十七歲夫亡矢志靡他鄉人稱之現年五十九歲

張氏

吉稱信妻年二十七歲夫亡氏貞潔自守撫姪成人現年五十七歲吉家營人

吉氏

林多信妻年二十六歲夫亡氏貞潔自守善事舅姑現年五十四歲吉家營人

劉氏

吉升杰妻年十九歲夫亡無子氏矢志栢舟以姪為嗣現年七十八歲吉家營人

張氏

王清之妻年二十三歲夫亡氏執婦道孝舅姑教子女勤織紡現年七十歲吉家營人

荆氏

郭正道妻年二十歲夫亡家道艱窘勤女紅以養翁姑現年五十五歲

田氏

尚作棟妻年二十五歲夫亡無子氏矢志不二孝事舅姑現年七十二歲

周氏 生員王薦鶚妾年二十七歲生子周歲夫亡舅姑早逝氏內外無依撫此藐孤現年五十八歲

衛氏 張捷蘭妻年二十四歲夫亡家貧氏織紡撫孤現年五十三歲積善村人

汪氏 王繼讓妻年三十歲夫亡氏守節撫孤現年六十二歲下竇氏人

孟氏 趙郡珂妻年二十二歲夫亡無子女家貧姑老奉養無違現年五十六歲

韓氏 吳忠元妻年二十八歲夫亡辛苦撫孤現年六十二歲周吳村人

張氏 王立平妻年三十歲夫亡氏織紡奉姑禮義教子現年五十八歲吳王村人

樊氏 呂福積之母年二十歲夫亡氏苦節撫孤現年五十三歲宏土村人

崔氏 姚學謙妻永濟崔會晉女年十八歲于歸二十一歲夫亡現年五十四歲北關人

張氏 樊問世妻年十八歲夫亡氏堅貞自矢織紡度日現年五十四歲考早村人

李氏 薛魁德妻年二十歲夫亡子女俱一織紉撫育色養病姑鄉里賢之現年四十三歲堡里村人

暢氏 趙恩妻年二十六歲夫亡氏養姑撫子辛苦萬狀計守節三十二年西窰人

吉氏 丁進昇妻年二十歲夫亡氏紡績度日始終不渝守節三十四年現年五十四歲

尚氏 劉一存妻年二十五歲夫亡遺腹得子教養成成人現年五十七歲原上人

郁氏 土企賢妻年二十九歲夫亡翁姑老三子幼晝耕夜績養翁姑撫幼子代育甥兒毫無怨心里人賢之

尚氏 吳有堂妻年二十九歲夫亡教子有義方現年八十七歲吳王村人

張氏 王立規妻年三十歲夫亡無子氏矢志靡他現年五十二歲吳王村人

以上未旌現在節婦壹佰捌人

臨晉縣志
牆之外至以禪論詩作備於宋嚴滄浪而後代騷人爭襲
爲遊戲三昧之語久成惡趣弟一時效尤借用非足下愛
我誰肯指其失古人所以重良友矣其謙益如此又云理
學備考兩書搜羅之富品題之嚴後世自有知者獨惜序
文太夥泛而且混更宜裁酌以成完書其忠告如此予俱
錄其言於虛度年譜中再稽王氏家譜崇禎甲戌封翁煮
粥掩齒球活多人倣昔賢立命編日記功過甲申寓永甯
州變起城屠先期夢神救得免狀皆略而不敘自謂絳漏
萬一則誠有之雖然絳漏何病絳漏然後見厥狀之質而

文捷而畢備也若一峯者遜濂洛關閩而居元白蘇黃其
人真矣視世之掬摸太極優孟西銘居然自謂理學者此
其人之真假爲何如也邵文莊公曰願爲真士夫不爲假
道學予謂士夫能真其學亦真道學一假其人亦假然則
一峯之人之學予特列於真士夫之林以竢後世尙論者

首蓋先生作文必窺奧窔每遇一題湛思渺慮血路心城直追所見幾忘身在場屋也縣令王竹崖素負文名課試桑泉書院佳作如林獨謂先生爲經天緯地之文乾隆戊申舉於鄉明年成進士仕蜀爲儀隴令時白蓮教騷擾楚蜀閭閻困憊呻吟未起先生悉心撫字務蘇息之長養以兒子使飽其食而儲其餘民賴以安勸士子學每月必屬戶考課諳切訓誨若嚴師成就者比比邑之人有薛青天薛夫子之稱幾於家辦香而戶戶祝焉後調渠縣兼署直隸撫民理番同知政聲如在儀隴時宦蜀十七年三與分

校鄉試事所取士皆知名恬其尤鍾愛者也憶初受知時甫弱冠先生卽期以遠大茲方忝登揆席而先生已早作古無從請事矣夫以先生文章經濟使天假之緣俾恬得白首北面相與黼黻 休明豈不幸甚乃才屈百里未竟所施潛隱衡門聚徒講授身後幾無儋石之儲悲夫哲嗣三俱不永命文孫立中咸豐初由邑庠生舉孝廉方正立道英年食餼觥觥里鄙所造均未可量勉之勉之明德之後其必有達人乎故特總括事實表之金石以爲先生之似續勸並爲世之清白吏勸

臨晉向無書院有之自我 邑侯傅老父母創焉始公以
 閩中名宿出宰徐溝尋以長才調繁臨晉下車以來潔已
 愛民尤雅意惓惓以作人爲急務每於公餘之暇接見諸
 生於敦倫植品諸大節不憚再三誥誡且欲振興文教延
 師訓迪謀講學居處之所辛巳秋先等仰體我公德意合
 嗣呈請設立書院公慨然割清俸五百金於紳士中擇誠
 慤者二十人爲之首倡俾先等總理其成人人踴躍不匝
 月而樂輸者千有餘金卜吉十一月朔日於學宮之左相

桑泉書院碑記

乾隆二十八年

乙卯 舉人 王先第

臨晉向無書院有之自我 邑侯傅老父母創焉始公以

閩中名宿出宰徐溝尋以長才調繁臨晉下車以來潔已

愛民尤雅意惓惓以作人爲急務每於公餘之暇接見諸

生於敦倫植品諸大節不憚再三誥誡且欲振興文教延

師訓迪謀講學居處之所辛巳秋先等仰體我公德意合

嗣呈請設立書院公慨然割清俸五百金於紳士中擇誠

慤者二十人爲之首倡俾先等總理其成人人踴躍不匝

月而樂輸者千有餘金卜吉十一月朔日於學宮之左相

度陰陽鳩工庀材屆壬午十月而厥功告竣按制坐北向
南大門建高樓三楹上祀魁星顏其額曰桑泉書院門內
爲照牆左右各有旁門曰功崇曰業廣從照牆折而西北
前爲牌坊題曰中和甬道左右雜植花木升階爲講堂五
楹堂之左右壁間刊列朱子白鹿洞教條及程董二先生
學則以示諸生河東沈道憲爲之顏曰喻義堂傍堂階東
爲峨眉山七間講堂前後古槐兩株堂後東西泮池左右
平房各一帶中爲景賢堂供設帝君聖像階前古柏二株
東西廂房各五間東偏隙地後構堂三楹顏其額曰雨化

其他經營雖未全備而規模粗就已覺可觀公延明師勤
督課并勉勵諸生務遵學規學則躬行實踐以作希賢希
聖之基復爲之計膏火置膳田以及久遠未幾而公題升
太原司馬矣所望後之賢父母不以邑之士民爲不屑教
誨增修而擴大之則後先輝映均可於吾邑垂不朽之盛
業先等年力就衰未能復爲奮勉惟願邑之後起者善體
我公作人材之雅意共相砥礪爭自濯磨以古大儒相期
許勿徒事筆墨以爲急功近名之計安在桑泉書院之設
不可爲鷺湖鹿洞之復起者歟先等沐公之仁樂公之義

不蔽日二十四年秋陰雨連綿復至傾圮神不自愛其廟而布澤無窮邑人目覩神廟而興修有志至道光元年夏四月余自永和量移此邑下車伊始拜謁神像見廟宇傾頽坍塌剥落心竊感焉五月中旬時有小旱余設壇於廟率同僚屬虔誠祈禱卽立沛甘霖非敢曰至誠感神良由神之垂愛臨人者深故施澤於臨邑者溥也余因鳩集士民妥議修理有梁建德者存心誠敬爰感異夢奮志重修而獨力難成遂邀同高世茂梁沱等在城鄉市鎮各處募化闔邑善信捐給金錢鳩工庀材構料開土涓吉動工借

晉提之法水近在比鄰資檀樾之多金受之大有自正殿並建蓋兩廂及舞臺皆煥然一新丹青輝映崇美輪奐美奐之觀極如鳥如翬之盛以妥以侑以介景福將見五風十雨百穀用成奉粢盛以告謂其三時不害而民和年豐也奉酒醴以告謂其上下皆有嘉德而無違心也故務其三時以致其禋祀於是乎民和而神降之福神之靈也國之慶也民之幸也余雖奉職無似仰荷神庥免隕越焉工竣日首事者以文請余何敢以不文辭爰薰沐而爲之記

天地之本真於孟子見天地之正性於文昌見天地之命脉於岳武穆見天地之源流於帝君見天地之浩氣試思帝君存心行事磊磊落落正大光明是何等天資學力後人之心悅誠服有不約而同者也夫盡信書則不如無書三國志所載亦有失真者要之民之秉彜好是懿德我有一念之善未嘗不沾沾自喜靜言思之古之人有行之者聖人先得我心之所同然也我有一念之不善愧悔之餘深懼無以對聖賢所謂如有師保如臨父母聖人百世之師也愛其人亦愛其廬人情也廟宇聖人之廬也

任其殘缺而不加以修理可乎哉邑之紳士旅進而對曰廟之殘破固由修理之無資亦因池水之爲患欲修廟必先修池欲修池必先捐資而後可余笑曰人之欲善誰不如我衆志成城衆擎易舉誠哉是言也爰以身倡之而同寅以及紳士庶民亦俱樂從輸將恐後鳩工庀材相度形勢先修池陂後修廟宇於這光壬午四月吉日開土於道光癸未三月中浣告成自正殿以至三門皆煥然一新誠盛事也夫臨邑地連蒲解近聖人之居若此其甚也入廟思敬爲善之心沛然勃然臨之士習淳朴臨之民風爽直

從此當大有進益者敬神治民有司之責也告竣之日督
工者以碑文為請即以余言勒諸貞珉以告同志者

（此處為碑文拓片，文字模糊，難以辨認）

重修書院新建考棚碑記

道光十年 廉九經 知縣

粵自鄉學之設所以化民文教之興莫如課士漢立石經
使各州郡皆置學晉唐因之至宋而書院之名始立蓋鄉
學之外更設一課士之所延師講授曰書院亦曰義學此
士品文風之所以日盛也臨邑桑泉書院前任傅君建於
乾隆二十七年置地征租延師課士僅有成規至今舊址
多就傾圮而束脩膏火依然缺如余於甲申秋來蒞此土
遂即延請山長按旬督課但學舍廢墜不有以興之其何
以萃羣英而致其道且書院為肄業之地而文場乃掄材

之區不有以創之又奚以集多士而盡其長余歷觀科歲兩考士子盈千就試縣署來則蜂擁坐則露地毫無紀律或風雨驟至更無屋可避余心惻然夫

國家承平幾二百年矣文治之盛於今爲烈民享太平之福

士沐教澤之深固宜家絃戶誦俾大化旁流仰

朝廷作人之意矧臨邑爲河東名區可不急加獎勵而使文風

彫敝耶維時適值西域星使絡繹刻無暇晷越戊子乃得捐俸重修爲士民倡而閭邑搢紳亦踴躍樂輸裘成集腋自庚寅春擇士民中老成持重者董其事鳩工庀材閱十

月餘頗費心苦而功告竣共修講堂書室門樓二十餘間重添點名廳五間正庭五間考棚三十間所用銀兩不假書役俱係紳士經手其餘發當生息以爲每年束脩膏火獎賞之費自是以後延師到館朝夕講貫爾生童得所棲止敬業樂羣庶幾文教聿興人材蔚起而科歲縣試亦得庇風雨焉豈不懿歟抑聞之士先德行而後文藝學者欲讀孔孟之書必先立聖賢之志果於倫常之地躬行實踐發爲文章則作者如道家常親切有味閱者自聳然動聽不釋於懷欲無獲售詎可得哉不此之務徒縈縈焉於語

言文學間雖藻彩華贍終不耐咀嚼語云有德者必有言
傳云言者心之聲也韓子云仁義之人其言藹如遠引旁
徵如出一口爾生童其可勉為實學而勵後世弗以我言
為河漢則幸甚爰是勒諸瑣珉以誌不朽云

八蜡廟碑記

道光三十年

同知

舉人 范得鯤

道光己酉館於琴亭韓子家以八蜡廟為館地韓子性豪
爽與余情好甚篤每花朝月夜把酒臨風相與上下其議
論縱談當世之利病而琴亭獨抒所見旁若無人蓋其天
性然也余曰方今天下無事中外乂安風和雨甘家給人
足使吾與子醉酒飽德優游以樂於此者 國家之福亦
神之賜也吾子居鄰廟側視其傾壞而不為之所是見知
當世利病而不知一廟之利病也豈其圖遠而忽近耶琴
亭曰此社中諸君子之所日夜關心特無暇力以及此耳

且斯廟之成也自余高祖以來三世修之先君子比部公又懼斯廟之漸圯而將無以繼修也爰合同杜諸君子各出會貲銀三錢並前募化共得銀若干子母相權今已六十餘金矣微先生言固將有以復修也越數月諸君子同心共濟鳩工庀材不兩月而工訖然後嘆諸君子之果能相與以有成也明年韓子佩瑄來請曰先生其爲我記之余曰余本謏陋不能文然深惡夫没人善而不知道者使後世無所藉以考其始終且幸處太平時爲太平人竊願當世之利病得如斯廟之修舉則又余之深望也嗚呼事

患不爲與夫怠而中止爾惟力行而不怠以中止庶幾哉
既以言於韓子乃退而爲之書

思不為與夫為而中土爾則文亦而亦以中其為
 則以言其辭于也安而為之書
 事
 知縣 魯鴻疇

字紙會碑記

咸豐元年五月

知縣 魯鴻疇

且自上古結繩聖人易以書契治百官而察萬民字之由
 來尚矣我 國家崇儒重道稽古右文士生其間相與揣
 摩簡鍊砥礪文章或立說著書垂教後世莫不賴於六書
 顧乃穢汙狼藉漫不經心侮聖蔑賢良可痛恨余宰臨十
 載時以振興斯文為己任比年以來捐修文廟增置書院
 膏火茲因講院東偏有呂純陽祠特捐廉二百金益以同
 人俛助共得銀五百兩發當生息延請紳士四人董理其
 事設立字紙會廣為蒐羅同歸烈炬非敢謂有功文字或

於重道右文之意庶幾近之至於實力奉行永久勿替則
猶有望於同志諸君子也

重建文廟記

咸豐三年九月

張維

建廟所以尊聖也聖為萬世師斯萬世尊之故自漢唐宋
明以來京省郡縣皆勅建廟以崇其祀典至鉅也臨邑

先師廟未知昉自何代碑載重修者非一次迄今歷年久修者

傾頽舊者幾朽甚非所以尊之之意也於是稼軒魯邑侯
協同廣文游公典史高公聚紳士謀新廟出俸倡修邑之
有力者亦爭輸私財共勦盛舉庚戌秋庀材鳩工舍其舊
而新是圖工未半魯公以陞遷去邑侯福公蒞政繼董其
事又踰年癸丑秋工始竣焉大成殿楹數如其舊而屋基

增高尺餘防溼浸也殿前月臺增闊丈許圍用石欄階鋪石面易前之磚砌者懷永圖也東西廡楹數亦仍舊而基室較前高大猶增崇大殿意也戟門舊三間卑且隘旁有兩小室東曰祭器庫宰牲房今崇而闊之增爲五間旁去其兩室改作月弓門壯觀贍也而宰牲房移於殿後西北遠穢褻也祭器庫移於泮池東南謹守藏也戟門外卽泮池舊淺狹更爲歷年水湮泥淤幾埋其半茲鑿之使深擴之使寬較原池大數倍則廟水有所歸宿而院基庶無浸淫之患矣池東北有名宦祠西有鄉賢祠忠義祠皆踵舊

制而大其模惟名宦祠左添一室卽祭器庫俾與池西二祠相配東南無空缺之嫌也櫺星門昔皆土牆今砌以磚則與門之雕鏤者相輝映也廟前原有牌坊二木石全無基址不見乃重爲創立臺基礎入地者六七尺出地者五六尺則牌坊耐久亦不致後無遺址可稽也廟東有崇聖祠其初卑小今高大之尊聖所尊亦以尊聖也是役也名爲重修功同創建第見規模宏壯昔之就頽者斯固材木碩大前之幾朽者乃堅美哉輪焉美哉奐焉非徒侈壯麗之觀聊以表虔敬之忱已耳將勒石衆首人問記於予予

愧不文特錄其顛末以序其事云

夫風之於世也... 其害於人... 故君子必先慎乎德... 德薄而風烈... 行惡而攻之... 夫風之於世也... 其害於人... 故君子必先慎乎德... 德薄而風烈... 行惡而攻之...

風神廟碑記

同治八年

知縣

錢官俊

稽古黃帝夢大風吹天下之垢占而求之得風後以為相
諭矣聖人作而萬物效其靈鬼神且聽命之非甚盛德焉
能若此厥後堯舜繼聖水火工虞庶績咸奏知必有以開
其先故聖時風若而解愠阜財肇于古垂裳之治洋洋乎
何其神歟是邦襲唐虞之遺民識耕稼啟舊族比戶恬熙
歲鈔凶歉秦亂一河相望卒不被兵革而日憑天險波恬
浪靜不罹風暴之虐非 神力不至此揚觀察寶臣兵備
河東有事河防陳船禦寇河逆流非風順不利於行禱輒

應觀察感神之靈思以畜神之庥易曰巽爲風東南屬巽位迺於臨晉城之東南隅捐廉爲倡建廟以祀之是役也前縣令王公珠耀莅其始邑紳李毓坤等襄其事而官俊奉檄庖代斯邑以觀厥成禮有之凡有功於民者則祀之能捍大患則祀之神之保衛斯土也雖觀察之誠足以應之實斯民之俗尙敢靡不戾天和有以致之也濱河有風陵永濟縣志稱爲古風后之陵歲時致祭載祀典不廢然則斯廟去陵咫尺振滯轉圜一呼吸聞耳將見邑之庶民諫晴問雨惟其風之所向無不應念而至神之

靈爽實式憑之書曰箕星好風河圖帝通紀云風者天地之使是知順物布氣自然之理民和則召之洵不誣也平陽帝堯廟舜禹配享左右而神出自上古祠祀闕如猶天地之有憾歟惟然而神之食報於斯邑也不亦宜乎廟凡五楹饗殿五間門面南做歌台聳其間略施丹堊猶茅茨土階之遺風也落成邑紳請碑與銘爰序其崕略以表揚神德於不朽並爲之銘曰

大塊噫氣輔弼穹蒼吹噓萬物休動四方扇和發鬱搆怒陰陽戾氣之感龍戰元黃扶搖助順挽流沂長斬鯨用武

神鋒莫當奠民之依歲無凶荒甲圻薦豐農夫之慶肅肅
在廟臨上質旁駿奔有恪多士躋蹕來格來享誠恐誠惶
願俾斯土永賴保障

來復渠記

同治己巳秋日

錢官俊

臨晉城北水道由文星台下流繞齊家莊與西流之水交
匯於城之東南隅此古道也居民導引灌田斜飛而東學
博石某復爲疏浚使折而南縣志稱其有功於臨不小戊
辰之秋余捧檄庖代斯邑人有以水之禍福告余曰白石
學博復水古道而邑之登賢書者不知凡幾今古道重塞
而齊家莊民胡姓藉口水害復使東流訟延不結十餘年
來科名寂寂然職是故耶余曰不然水之禍福堪輿家能
言之若科名之盛衰氣運維繫之豈盡關乎風脈哉夫修

舉廢墜有司之責凡事可興則興之可復則復之何惑乎禍福利害之說哉卽往驗之鳩工舉畚鍤不日而渠成人咸相慶曰渠復矣無何齊家莊民復藉口水害上控檄飭榮河戴公勘訊未既訟又延初胡姓上控捏齊姓名而齊不知至是內訌來訴得其情始知胡姓之欲東流者爲繞其陰地也一訊服誣迺以居民修輯鄉里議新道高出古道二尺許水小獨流古道水大分流新道來請於余時三日大雨而水自北來仍繞齊家莊而南而東一往暢流並不爲害乃知獨流古道者常其分流新道者暫遂允如所請而案以結嗚呼此構訟數十年余以不畏難而一意徑行重復古道雖曰人事豈非天哉易曰敦復无祇悔又曰七日來復復之爲義大矣哉因名之曰來復渠所以示敦本復古之意也

文廟餘金二千擬充士子膏火而不果董事諸人相侵蝕
構訟多年其間以房地償金者寥寥無幾同治元年黃公
義門泣此亦有志未逮嗚呼殆將廢矣雖然事難於創不
難於因况乎一己之責無可旁貸但能仔肩其事力爲補
苴其罅漏使十餘年前令尹未竟之緒餘一朝復振且使
前賢培植人材之意不至湮沒弗彰是因也猶創也又何
難哉遂捐廉百金以爲之倡邑紳李毓坤等復多方勸導
捐地捐金從邑人之所便月餘告竣計地之連舊存者頃
餘金之屬新捐者千餘地招田租金發當生息通計每年

可獲息二百餘金足敷士子膏火而書院一切所需亦可
以資挹注噫嘻事懸二十載而待成於余豈偶然哉今而
後邑之士人庶幾有所獎勵咸來肄業而不復前之踽踽
涼涼矣嗟乎今之舉廢墜而粗具規模者勉成前志耳余
何力焉但願異日受此膏火者曰此某縣令所創意也此
某縣令所踵成也屢作屢輟久而事克有成誠能體此苦
心而並懷昔賢惜陰之意焚膏繼晷兀兀窮年不爲無本
之學將見擢巍科登高第蔚六經爲國華於此基之矣是
則余所拭目而俟之也爰爲記

之先其為初唐風範無疑也昔在太原得風洞經碑筆畫
類相似意者是經為唐士大夫奉勅書而斯幢則後人由
他處移置此歟姑存之以俟考

葵書序

曾國藩 滌生

葵書者河東臨晉王桂子山之所為也臨晉古桑泉地故
自署桑泉布衣初桂父僑居河南鄧州桂生五歲隨父南
遷至五十而北歸中間處鄧州久甚於禮部法凡寓貫不
如令不得與於州府有司之試桂亦自無意於當世之科
第終歲授徒麗糲裁給講授之餘了無他營日夜討論於
其所謂葵書也者以為葵一微物睽睽向日匹夫報國義
亦如之由是自厚生正德之常經整軍勤王之遠略天地
否泰消息之微經史諸子雜家之奧凡有當於人心利於

臣等具言
三
民用措於天下國家而無患者靡不載記爲綱四目十六
日中之目百有六十每日或數條或十數條大都無慮千
八九百條矣其文體無所規模句鍛而字鍊之徵引故實
博極羣書雖其門弟子不能盡以解說於是倣古人經傳
各行之例別爲葵書外編一一徵其來處而鄧有劉琦楚
珍者又爲疏證然後顯幽剖竒昭晰可讀零金碎玉往往
而逢焉桂生雍正乾隆之時我 聖清全盛之時也棧樸
作人之化涵育百餘年矣二三元老如高安朱公西林鄂
公之儔皆以推賢薦士爲務 純皇帝益崇儒術特開鴻

博之科以網羅遺逸巖穴之士響然畢臻或起白衣數歲
而躋公卿其後又有經學之科有 召試之典山澤幽隱
求之不可謂不勤搜采不可謂不徧而尙有布衣終老如
桂其人者後世求士之道萬不如乾隆之初之誠且備則
夫士之好學有道而不得職而困辱以死者豈少也哉鄧
爲州在萬山之中冠蓋文人之所不及而桂之闐寂又無
相知有氣力者爲之應援自此書成後越十餘年而 國
家輯四庫書又十餘年而山西續修通志皆不齒列其間
斯又持文柄有採訪之責者之恥也國藩受讀粗畢因稍

為論定後之君子有能重刊此書則合外編與本書而一之釐正其節目而芟取其要蓋不無可觀亦以慰遐世獨行之士云

為論定後之君子有能重刊此書則合外編與本書而一之釐正其節目而芟取其要蓋不無可觀亦以慰遐世獨行之士云

葵書序

翰林編修 袁承業 曉艇 翼城人

處士而立勲名匹夫而移風俗此其人自古有之乃後世撥魏科登顯仕者高談經濟於巖穴之士或鄙夷弗屑道而林泉自娛者多浮沉養望謂天下非我責也噫人盡如此世道奚賴哉余聞桑泉布衣王子山先生之有葵書也急訪而讀之開卷茫然莫知其涯涘繼以外編對核始稍稍得其意其書以襄文供武為經發揮引徵為緯條分縷析登矩重規其考古也博而精其闡理也微而顯其謀國也懇切而周詳其動人也真誠而婉摯淺之則庸夫俗子

皆可借之大道深之則仁人君子未易完其本心夫先生
幼居穰地晚年始歸其在穰也格於法不得與試遂終其
身不求科第則亦儻然世外人矣而乃抱負宏深惓惓於
世如此書曰萬邦黎獻共惟帝臣又曰民獻有十夫使此
書廣行於世則市井草莽各勤葵向之忱其所以為國
家腹心干城之奇者豈淺鮮哉願或者病其佶屈聱牙將
恐聞古樂而思卧此知音之所以罕觀也噫

臨晉縣重修大堂記

光緒六年庚辰

知縣 艾紹濂

余之莅洪洞也大堂年久失修地勢尤低屢擬改建未果
丑歲之春大禮適至亟捐于餘金以工代賑重建而增高
之氣勢軒昂官民益相得焉戊寅秋奉調來臨見堂宇根
基尙固惟上多滲漏下無半磚犬馬污穢不堪入目而頭
門勢將不支又不願歲禮之餘致擾坊廂五里己卯夏捐
廉數百金分別補修改建一切工料悉依市估工成之日
飾以丹雘補以楹聯氣象一新期與吾民更始也臨之諸
生惑於小南門為學宮門大比之年謂開門即開榜而此

門不利於官官民未能兩便故此門啟閉無常余曰諸生所為者科第也科第不盡在此門也考縣治頭門向係鼓樓宜高大前次改修未依其舊門亦嫌濶今既重建樂得復元於是酌定尺寸遴選日期仿照樓式高起數尺而是科荆生秉哲獲雋焉春闈中聯翩而上者當復不少則此番之舉非徒壯觀瞻示整肅而益於官民者正多也至數十年內不至煩擾里民尤其次焉者耳是為記

東嶽廟重修碑記

同治十年

甲子 舉人 韓新濟

泰山為五嶽之長天下衛府州縣各有其廟而吾邑之廟高明俊偉諸廟附焉不知其幾何年矣同治丁卯大水衝突自文筆峰而來直入廟中樂樓之下一望汪洋半遭傾覆諸君子觸目傷心方議修墜而城內外各義賈慨然出四百餘金共襄盛事又益以眾善士持緣廣募得銀四百餘兩而工乃興焉嶽廟各殿約略補苴居然完固西則崔府君廟久為講學之所東西兩廊各增一楹而寢殿而獻殿而山門仍其舊而新之煥乎有文章焉東南為大

尉殿被以潤澤大爲豐美西南爲下牢神廟廟貌小矣廓而充之頃改舊觀古人嘆獄吏之尊而况煌煌神靈哉廟之中則樂樓也廟之南則山門也傾圮尤甚修葺特周不侈前規不遺後悔蓋諸君子之心力竭矣而猶未也廟外創建焚字鑪崇文教尊神明一舉而數善備焉自古泰嶽之祀神道設教所以賞善罰惡使人既知生乃知死上爲國家養人材下爲鄉里維風化若府君若太尉若牢神隱隱乎同此意焉入斯廟者果興起其好善惡惡之誠誦詩讀書之樂不徒肅禮拜而壯觀瞻是則余之深望也

爰不辭而爲之記

藝文撰著

四書淺說補刪

鄰園詩集

知縣進士李世惠著

慕適軒小草

詩餘

文鈔

初學詩鈔注

有學詩鈔

注

推官進士王恭先著

用存堂稿

翰林編修謝陳常著

葵書

葵書廉壁解

四書童子問正編續編旁譚

四

書燕說 四書賦 論語詩評 時藝三式八法 時

文六位六則四法 話磚錄 代譚錄 識小錄 性

理吟 性理字訓 勸民俚言

居易堂稿

吏部郎中姚縉著

滋德堂稿

知縣進士薛天相著

學庸說略 論語疑義摘問 大傳說略 周易疑問

廩生王承宗著

嘯崖遺稿

題小照云水石關幽居高士耽清靜中有數枝梅間弄

空明影秋夜云塔院寂無人月影侵書幌時有一僧歸

落葉階前響

處士荆炳著

空門漫滅文云...

殿小照云水石閣...

...

...

藝文詩

登臨晉西原廢寺

金陳賡

前朝廢寺枕山阿，尚有摩雲窳堵坡。故國已非唐日月，老僧猶指晉山河。年來筋力登臨倦，亂後心情感慨多。石蘚荒碑碎文字，他年更得幾摩挲。

臨晉道中

元王思誠

崑原回首望汾陰，寶鼎金銷瑞氣沉。千古帝王行幸地，草荒輦路暮雲深。

五姓湖歌

明楊博

曉披五老峯上雲晚釣五姓湖中鯉忽逢漁父三五人間
是五姓誰家子自云無姓亦無名世代相傳常釣此月落
天昏駕小舟從來未見風波起得魚心自安無魚心亦喜
公昔提兵在薊門單于繫頸呼韓死頗聞飛語轉流傳彫
弓幾付東流水東流水真可笑何如相將日垂釣白雲冉
冉生元鶴雙雙叫極地與窮天居然不盡其中妙

烈婦詩

婦鹽運分司汪公女呂主政子諸生嘉穎室以歸寧留父署聞夫訃自盡

臨晉諸生姚緝熙字續光

名花常並蒂好鳥亦雙翔萬物各有託人事足參商憶昔

歸寧日為妾理行裝暫別莫悽愴偕老天地長君忽隕其
生妾復何所望持刀急自剄血勇命不傷旁人互勸說謂
宜稱未亡嗣孤倘成立姓氏且流芳妾身自有志妾志無
更張聊復緩斯須赴義忌匆忙昏定晨復省依依父母旁
含悲與誰語淚下暗霑裳啓篋見鉛粉此物一何長潔白
流肺腑矢死得竒方是夕鬼神泣風淒月無光香魂覓所
天泉路杳茫茫

五姓漁舟

邑人王恭先進士

湖光瀲灩古城西名號張揚舊有題滄海桑田幾清淺綠

蒲紅蓼自高低急燒舴舻飛常雨帶藻笭箬不着泥疑乃
一聲人不見夕陽澤畔草萋萋

古城落雁

自是蒼茫雲水鄉呼吸引侶且相羊不因愛力輸蘆葦祇
爲謀生惜稻梁沙岸數行雜鷗鷺煙波十里卽瀟湘年來
自笑摧頽甚南北追隨有底忙

涑水橫橋

三月桃花涑水平綠楊堤外一橋橫玉欄晝鎖龜鼉睡金
鏡夜開蟾兔明不見車書通萬里也看來往老浮生如今

莫問題詩手石柱年來半已傾

蛾眉春雨

坡陀長坂帶橫阡雨氣春來破曉煙幻出雙蛾遠山影真
成百頃滿篝田露深桑柘千村暗風過牛羊一笛偏用意
天公誰領會杏花榆莢又當年

星臺朗月

峨嵋頂上豎高臺皓月當頭勝景開萬頃琉璃鋪下界一
天星斗絕纖埃白雲有影隨風盡烏鵲無聲繞樹來十二
瓊樓知否在振衣還擬到蓬萊

虞鄉
進士 賈修明 字慎堂

臨晉縣志
雲樓曉鐘

何處鐘鳴欲曙天文昌閣上有宮懸一聲響徹雲霄裡五
夜魂驚枕席邊巨製工傳鳧氏手元音鑄自政和年聞鷄
起舞芳踪在休讓祖生先著鞭

雙疑對峙

重重疊疊起岡巒大小疑山入畫看左右橫陳似華表東
西互峙恍仙壇峰頭祠宇干雲矗坂底桑麻布野寬最是
春來初睡起雙鬟對影態多般

五渡同流

禹門東下水奔流行過潘西五渡頭雲樹兩崖嘶繫馬煙
波千里送歸舟乘槎客有探源志擊楫人無駭浪愁蒲坂
鐵牛今在否還當乘興一登樓

縣志卷之九
 祥異
 康熙元年八月霖雨彌月城垣廬舍十傾六七十七年大
 雪深數尺木盡折二十二年地震二十五年二月西關
 龍王廟會有書賈携書就廟內布席待售忽旋風自廟
 門入盡捲其書入空中仰視片片飛揚以次而上頃之
 不見其旁尙有同賈者所攤書端然不動人莫測所以
 然

祥異

康熙元年八月霖雨彌月城垣廬舍十傾六七十七年大
 雪深數尺木盡折二十二年地震二十五年二月西關

龍王廟會有書賈携書就廟內布席待售忽旋風自廟

門入盡捲其書入空中仰視片片飛揚以次而上頃之

不見其旁尙有同賈者所攤書端然不動人莫測所以

然

雍正三年黃河清月餘七年鄉雲見

乾隆十年涑水大溢十三年麥秋俱無十四年五月大雨

祥異

續下

臨晉縣志

波水入城牆屋傾圮無數是年大有二十四年秋旱無
禾二十五年麥秀已齊大雪尺許卒無害二十六年七
月涑水溢三十四年秋大熟四十九年歲饑五十九年
歲饑

嘉慶六年涑河大決九年至十二年大饑十八年大雨十
晝夜前後綿延二十餘日二十年九月十九日地大震
北城門樓傾塌

道光元年瘟疫五年秋大熟十五年歲歉十九年六月初
酷熱異常初六日泰山廟會有行至中途熱死者是日

午後得雨一陣方止二十六年夏秋大旱二麥未種二
十七年秋大熟

咸豐十一年七月長星現南北數十丈直抵天河

同治元年二月初隕黑霜殺麥十一日大雨麥復旁生七
月星隕如雨二年陝獬滋事邑人在陝者盡行逃歸設
立民團沿河防堵五年麥歉收秋熟九月二十四日晚
天裂有光聲如雷六年髮逆餘黨由陝分竄河津等處
距縣數十里城上設鎗炮夜間燈火不斷居民多移城
內

光緒三年夏秋不雨西至陝南至豫東北至省赤地千里
荒旱異常民苦無食往往衣履完整一蹶輒不復起又
多疫疾傳染幾於全家加以盜賊蠡起肆行搶掠民不
堪命鬻妻賣子去產變業艱苦情形不堪言狀
曾爵撫憲奏請發帑數百萬金並函請各鄰疆十餘省
截漕輓粟層疊賑濟各屬十月間

閻星使查辦賑務會同奏免錢糧派委多員正陽關一
帶採買米石以資接濟方任戊昌開放倉穀暫救一時
勸諭富室捐米助賑有不及賑所而倒斃半塗者四年

春夏旱荒尤甚犬馬之屬已宰割無餘村落房間又拆
毀過半賣地一畝得銀竟不及兩糴粟一斗價需三兩
八九錢之多三月四鄉設局平糶而戶口已去五六成
焉五年田中多鼠晚稼稍有粟粒者盡被攫去兼有狼
犬相率噬人往田入市不敢獨行異數奇災從來未有
秋大雨二麥普種十二月連得瑞雪六年正月又得雪
數寸二月春雨霑足麥苗暢發從此豐年有象矣

附

晉省連歲奇荒爲數百年所未有輕則成災重直

成劫撫此子遺徒深憫惻謹就耳目所及略陳梗概
藉以誌異焉

旱劫

始於光緒丙子歷年成災生民塗炭道殣相望故云

黃河兩面臨無計防天旱禱雨動經年嚴冬仍燥煖
尤荒是晉西半屬河東管播種雖依時含華實不滿
始猶儘力耕繼則牛工短桑野縱當春人誰命彼信
窮檐鮮蓋藏終歲愁乾暵枵腹勉從公力疲情意懶
時艱體恤深租稅全蠲緩鵠面並鳩形家家炊欲斷
逃亡冀得生鄉黨親戚伴妻子忍兮離弟兄心各散

朝廷賑濟寬發帑並籌款江廣浙東漕統盤齊核算
每名每日糧到手不盈盃何日沛甘霖使人方寸坦

瘟劫

自丁丑夏至戊寅春傷人過多莫名其災故云

晉爲習俗移多結煙霞癖早旣火炎炎密雲無雨澤
陰陽乃失調沴氣蒸成疫剩此子遺民卒然中不憚
亟延扁鵲醫束手苦無策病症莫能名朝偏不保夕
無分老少年貧富何曾擇傳染或全家其間冤莫白
堪憐異域人現作他鄉客東倒並歪西終鮮兄弟伯
縱然仕宦場一樣填胸膈泉下路何寬陽關路反窄

叅居父母官掩蓋是其責義地廣開阡按名捐給席
塚雖別婦男難免如山積歉歉抱予衷到今猶痛惜

盜劫

丁丑秋人心浮動搶劫類仍故有洪洞宋留管之變

治世守巖疆爲關將禦暴俾知法律嚴渙汗其大號
維彼醜跳梁貨財其所好乘此年歲荒糾約尅期到
倡亂始於秦風聲傳口噪平時不遂心一旦源源報
游手廣招來貧氓爲向導父兄聳聳中親友難忠告
擁入富豪家囊傾尤篋倒人逢賊便懦賊比人還傲
若輩亡命徒性情原桀驁許多迫飢寒覆轍甘同蹈

所得未曾均譁然思鼓譟豈知天網恢迅比櫬槍掃
除莠乃安良生民叨再造洪崖遺事留梟首靖羣盜
丁丑陝省盜賊蜂起搖動鄰疆洪邑西山宋家溝
有宋留管等頭目者三召集二百餘人七月廿四
日起事余於廿二日夜輕騎往擒雞犬無驚留管
當時就獲楊金虎衛路兒先後亦獲據各供認不
諱稟明就地正法遠近賴以綏靖

狼劫

連年際大祲百姓屢遭劫猛獸不歸山耕芸幾失業

臣五月見元
並驅從兩狼齊俗宣令甲一統世太平三農無捕法
適從何處來虎兕出於柙三五竟成羣相逢尤路狹
聞之已膽寒見者殊心怯狼少純用機狼多以勢壓
力強尚可支力弱竟生狎人有見面情狼心無狹洽
負嶠莫敢撓猶是在山峽相率入村墟原田人荷鍤
全無畏懼心一道中間夾得勢撲人肩咽喉雙爪招
狼如饕餮貪血比束牲歆禱祀詣山神威施嚴管押
濟南艾紹濂謹識

戊寅秋接辦臨晉賑務准貧生照父母妻室四分
給領荆生聚奎者贈古風十六韻予滋愧焉兩步

原韻答之 己卯清明後三日鏡漪氏自記

河東災害至撫恤賴疆臣同是宣

君德誰居濟眾仁十千安取歲三百擬開困星使月
卿會竒謀偉略新設方籌露積挽粟俾雲屯將伯予
呼助鄰邦誼篤姻漕輸江廣浙糴向豫齊秦所喜平
蒲境猶然堯舜民守貧多本分畏法不辜恩檄我洪
崖令移治北解人慈衷雖在抱束手愧難伸抱注倉

臨晉縣志
箱實遷延富貴春賑分農與土界化消和溱澤自霽
霖雨圍同解蔡陳一犁瞻馬首二麥漾龍鱗漸晉承
平象天心厭悔真

大難憑誰靖端推宰輔臣緩蠲舒物力賑貸布

皇仁有室皆懸罄無禾漫取困頻年饑且饑荒政舊
翻新責豈容旁貸膏難忍暫屯恤災同捍患睦族並
聯姻昔本秦輸晉今仍晉仰秦疆圖雖異域

盛世不殊民燕趙通鄰好南東沛普恩藉他飛挽力
活我子遺人敢謂難中易都緣風後伸此時欣轉泰

大地共同春舟泛來雍絳輿噬濟消溱務勤宜法古
乃積許推陳時雨欣滋麥游魚喜躍鱗群生叨再造
覆載天地真

荆生原作附

艱難時勢濟羣頌得賢臣本繫蒼生望能推愛物仁
閭閻無積蓄米粟發倉困正值鷓鳴始卽謀穀播新
原田曾澤下僻壤豈膏屯饑饉資任恤流離亦睦姻
維今欣繼絳恨昨不輸秦要使花封地全無菜色民
山陬歸大度鬻序沛殊恩稷后思飢已周京賚善人

天心原可轉士氣慣常伸鴻雁昔鳴野羊羔此介春
鸞旂聽噦噦家室慶溱溱庶見伊垂帶餘教我取陳
從茲蘇洵鮒得並泳金鱗草木應知感弗謾矢倍真

識餘

金大定中邑人於通真觀作干道會時黃冠瓢笠者雲集
中一人布袍革帶草履巾入門逕就殿西拂拭素壁
探囊中筆大書一絕昂然振衣而去見者異之欲踪何
往已失所在其題句云余向金華謁帝回首陽鄉國暫
歸來羣迷不識吾家趣何日重尋閬苑媒後署巖客二
字始悟爲洞賓呂巖也其書一筆所成如蟠龍奔馬非
人世所有因共珍焉召善書者勒石至明時爲山陰王
強取去置蒲州寥陽宮俗稱爲瓜皮碑傳云洞賓食瓜

訖卽以其皮作此書也

明李棲鳳嘗赴省試由曲沃西庄至太原西庄倦行暫憩
先是父老夜夢一虎踞其門侵晨啓戶視之見李卧其
處心異焉延於家而具賓主且言此地爲鹽法所困他
日得志願爲除之李識其語後官樞曹力白當事除其
害

王萬基天啓丁卯赴省試時猗氏令曹暹者關中名進士
也夜夢榜發解元則萬基名曹素昧平生覺而異之詢
猗人無知者或曰此臨晉某也曹驚愕遣役預報喜兆

後竟無驗是月王恭先生萬基子也至 國朝順治辛
卯舉鄉試第一說者謂曹之夢非無因矣

謝孝廉玉樹久困場屋時老自以數竒遂罷去康熙辛卯
其子翬獲雋玉樹不覺心喜再理舊業至癸巳特設科
加解額十九名玉樹往果中式先是禱於文昌神得捷
兆並示以所中名數至是適符

李廣祿胥村人數歲父亡家甚貧日負薪供母爨出告反
面未嘗少疏見者歎李氏之有子焉同治元年樵於野
被回風落井晝夜號泣無有知者每沈悶見有老人饋

食一日有牧者聞哭聲急拯之出體僅骨立而人無恙
詢落井之時則已二十七日矣嘖嘖人口皆以為孝行
李所感云

陳建英其父貿易藍田因生意蕭疎不願旋里英年十五
負餼尋往力勸其歸父鑑其誠乃隨歸里人賢之

胡家卓

其子登賢請王樹不覺心喜再野書業至矣日耕
橋率與王樹人因與星和未自以幾首教習生氣烈辛
眼舉殿前於一領香韻曹公夢我無因矣
翁竟無德豈日王恭求上萬基子也至



